

. bšumaihun d hiia rbia mraurab nhura šania mimra ana br mimria d lšumh d iauar  
lhaka atit qrun upaqdun rbia uzarzun ldilia anuš `utra rba br rurbia qrun  
upaqdun uzarzun unSabilia audiauria audiaudia d nSabilia `utria nihia umqaimia  
šadrun lminTar dara urandudia uaqumia šakbia mn šintun amrilh `zil lguT  
liguTta mn tibil kd liguTta d lgaTnin anin bhir uapiq bhiria minh mn alma  
bahar gubria kšiTia u`nšia d Tabia umhaimnia bhar uapiq nišmata d šihia ušauia  
latar nhur ahbalun aprašata d hinun bgauaihun mitaprišia ahbulun pugdamia  
kasiia d nihaiun gabaruatun lmištuSia d ka d nimalalun bqalaihun dakia  
unaqumuna lnamrus mn kursia nimTinun hauqa lšibiahia marauata d hazin alma  
aprišinun lnaSuraiia umandaiia ulbhiria d bhart minh mn alma d lšumia d hiia btibil  
mitradpia amrilh bahir bhiria d kušTa uasqinun ldaura taqna buhrinun uqaiminun  
d lanihuibun hasir ubSur aprišinun lbauata udrašia usidria d nihzunh lTama  
d nhura unitaprišun aprišinun lnišmata d lanimita ulanauda ulanistakra  
bhšuka haška lanitihambininun namrus ulatišbinun bdaria rabut zmar amria kd  
masgit larqa d tibil bišia lanidun `lak uziuh d lbušak lanihšuk ulanisrunak mn  
rqiha `laia ulanirmunak batar hšuk latihuq ulatizha ulatimar d ana balhudai ana kd  
hauqa maTilak anin kulan luatak anin anin kulan nasgia luatak uanin adiauria  
nihuilak anin nihuilak adiauria uniparqak mn kul d snia aprišinun lnaSuraiia  
umandaiia ulbhiria d bhart minh mn alma amarlun lbuta utušbihta d nibuna bsaka  
d napša ulanihuibh hasir ubSir d lanibuna blilia habara u`dana d rahmia nitaksia  
d rahmia b`danun lanibia lbaba d bit hiia nitiabTun nitiabTun lbaba d bit hiia  
alma d lbaba d bit abatur mipta kd mipta baba rba d bit abatur buta utušbihta  
latria tisaq buta utušbihta tisaq latria utitaksia batra d minh atat d rahmia  
usigudta b`danun lanisgud bit abatur ništaiil ništaiil bit abatur bmindam d lau  
mindam d abad bhazin alma bhirai ana `marlkun lrazia razia d palgat namrus  
bgauh d hazin alma `marlkun lzihira ubišata d namrus bšurba rba d hiia rmat  
rbitabun btarmidia sina qina uplugia bhirai `lkun qarina uamarna d bšuTuata  
d nimrus urumaiia d šuba šubiahia laništia d bšuTuata šaTia b`suria d mia siauia  
nimut d abad mn `bidatun bhirba usipa d šibiahia nitinsib nitinsib bhirba usipa  
d šibiahia unitharak bmia akliā šumia nitqar mn bit hiia rbia umnata banhura  
lanaška d bdina d `kuria nasgia nibšul bdudia d rahtia d ništia hamra bhanutia  
bmasarqia qublia ninisrunh d nirihsman ldahba ukaspa nimut trin mutia bhad d niškub  
luat zauh umia lanasia bgiuth d liuiatin ništkin kul d atuat d lasaia mia mhita  
bgu mhita titimhia nimihia naTra d nhura utipsiq minh mn atar nhur niliTa  
šuma dakia uširiana d saka litlh kulman d kd saia zauh Tunupia udaštana bhanath iuma  
qadmaia luata niškub šumia nipsaq mn bit hiia rbia brpilh d hšuka naqmunh  
brpilia d hšuka uainh nhura lahazian d nikul `kilta d babia trisar niqum mn mn  
alma haslh lnhura d nibia mnata mn durdia aminTul d bdinba d dara batraia  
hauin minaihun tarmidia d lašihin ulašauin ulitbaihun Tama Sauta udukia d iardna  
luataihun latris alma šnia asar uhamiš aba bhaTaiia d bnh ništaiil  
d laniqrulhun bkaluza ularandidinun mn šintun ulaalpunun buta utušbihta  
uladkirinun dirka d kušTa uhaimanuta latar nhur kd maTia šnia asar uhamiš bnh  
bhaTaiia d napšaihun naštaiun d nitia brath lbabia trisar biblia umalia nautibunh  
nautibunh biblia umalia uklilia d hšuka brišia nitraSlia nitraSlia klila  
d hšuka briših ubšuTa d nura nitnangar uništaiil bnura akla uhauma ubarda  
uiaqdna d nišmata d dumaiia bgauia mištalia aminTul d `tbariat bagra uzidqa  
d iauar umn naSurutai dilia piršat piršat mn naSirutai dilia uazal šitlia bmia  
tahmia kd abda ginia `l `kuria dina mn abuia mitmar kd azla luat kaSumia ukaldaiia  
lkursia d nirig zidana mištaial ana `marlkun `l tuqna uzakarta ukušTa d mn rbia  
ata kulman d narha briha ušuma d hiia lanadkar `lh bit abatur ništaial kulman  
d narha briha d kaSumia ukaldaiia narhunh briha d sruta kul d abad ginia l`kuria  
upatikria bTura d hšuka naqmunh d akil `kilta d hilulia upura d šibiahia lkursia d nirig  
nitnangar kulman d nikal `kilta d ginia d mašknia kd maitia humria d baita nimut

man d mn halin kulhin 'bidata nitparaq nisaq nihizia latar nhur nišmata d šibiahia bmaTarata mitiabTa mitiabTa bmaTarata d šibiahia umaitia mn Sihia minh  
mn alma šaula d mia biuma mašqilun umsanqilun l'ubadia sainia d abad balma  
haslinun lbihiria zidqa gubria kšiTia umhaimnia haslinun l'nšia d Taba umhaimna  
d iahib zidqa uqrun qala d hiia d nhat 'l iardna u'uSTba uqabil dakia rušuma d nihzunh  
lSaiarta d hanath dukta d ana niTrit akuat d paqdun ahai ligTit uasqit mn riš  
briš mn Tupania mia ualma d 'tbaniat 'urašlam nišmata lnhura salqin mn  
d 'tbiniat 'rašlam ualma ldara d mhamaT arbaia ana binataihun d tarmidai huit  
bihrit uasqit minaihun latar nhur mn dara d mhamad arbaia ualma d pisusta hauia  
ana mn binataihun d tarmidai piršit uazlit usilqit lmsunia kušuta uamarna Tubh  
tum Tubia lman d bnapšia nizdahar aminTul d ana kbar bišuta uTnupia udaštana  
uazlit usilqit lmsunia kušuta uamrna kma kariaia ltarmidia d dnab hanath dara  
maštaknia aminTul d mašiTilun lmarganiata ušabilun bdaria rabut zmar unaplia  
biamia rba d sup uailinun 'l tarmidia d lahazilh latar nhur mn iuma d huat pisusta  
ualma d baTla tibil napša nišmata lnhura salqa kd kbar 'lai bišuta uTnupia  
lamSit midar d bhazin alma silqit qudam hiia abahatai šiknun bškinatun  
d našaiun uamrit Tubia lman d bnapših nizdahar gabra d mizdahar d bnapših laiit  
kuath balma malka nihuia banhura unitaurab kd rurbania batar nhur uzakia nhura  
bit tušlima uhiia zakin sa . hazin raza usidra  
uaprišata d anuš 'utra hu sa

. bšumaihun d hiia rbia mraurab nhura šania gupna ana niha d mn `qar giua `tnaSbit  
`tnaSbit mn `qar giua urbia hulia naSba rbia naSba hulh uaTpulia ziuu 'l  
d `tia ziuu 'l d `tia šrun 'lai dmuta mnaTarta d mnaTralia bkisia qrun uqaimun  
uzarzun bmamlalun adiauria nSabilia 'hablia 'mra ušima d kabir usaka litlh  
aprišun lziua rba ulnhura d iaqid batar ksia zarzun bmamlalun d diauria  
naSblia adiauria d nSabilia d šanin usaka litlun qran upaqdan rbia uqaiman  
batar ksia 'hablia malalia kasiia uaprišan lkul Sbu aprišan 'l qadmaia u'l  
rba d mn laqadmia hua aprišan b'ruta uqaiman bqala šania ab bbirukta birkan ušra  
'lai mn niSubta 'hablia tušbihta d napša usaka litlh 'hablia `ruta d lahuaba  
hasir ubSir laiit nišqan bpuma dakia ubmania gauaiia ksan atban banana anan  
ziua u'l taruan dakita d šadran amar 'zil ltaruan dakita aprišin l'utria  
d hatam šrun ahbalun ziuu unhura d bSiuat hradia nitbun ahbalun mn tušbihtak  
d bbuta d hiia niqmun lupinun blaupa rba d bminianak nitimnun nitimnun bminianak  
dilak ulanihuibun hasir ubSir aprišinun l'utria ltaruan dakita ulalmia d nhura  
kulhun aprišinun lnhura rba d hiia ul'utria ulškinata d bgauh 'štauia aprišinun  
lgupna kasia u'lania dakia d minihria liardna aprišinun lalmia d mara d rabuta  
ulziuh ulnhurh d hatam šria amarlun lhouraran dakita d hazin `tiqribh qala šania  
amarlun larqa d aiar d hazin binia utaqna mn riš briš hazin binia iauar utaqna  
uhaizak huabh ardikla haizak ardikla huaba haizak qaba qala šania hazin  
škinbia škinata ušrabun Sauta mn riš briš haizak šuiuia malka lnhura uautiblh  
'utria liaminh ulsmalh d hinun nihuilh Sauta Sauta nihuilh unitriSunh bškinth  
aprišinun 'l pira rba u'laia ulškinata d škin batar ksia aprišinun lmana rba  
qadmaia uliardna rba d bgauh `uSTba ana hibil asgit mn qudamia d ab iauar manda  
d hiia uasgit ltaruan dakita atit ušauit šuba almia d nhura utraSibun šuba mlakia  
malka mn riš briš šauilun šuba andarunia d mia uhiklia hadtia d lamšarin bziua  
unhura utušbihtai d nSabilia abahatai mn riš briš b'ruta d 'hablia rbia  
ubmalalia kabiria d aitit 'lai ubpugdamia kasiia ukabiria iatiria umqaimia usmiria  
mn bit hiia abu rba qadmaia aitit ubdrabšia taqnia d nSabilia ubauata d babin ab  
mara d rabuta d 'lai dilia `tnaTar qran upaqdan parSupa rba d `qara hu  
udumutia d luatia iatba uamar kd tizal ltaruan dakita mimrak 'l 'utria blilia  
latimrh latatnh lqrita d hiia tiniania d minaihun npaq kul d biš hasir ubSir hua  
minaihun u`zdrabh kadba balma latatnh l'ruta ulmadihta ulsibruta ultušbihta  
ulmimra kasia d mn lhil ata ulatinisbia lmimra kabira ulatišidia bmia tahmia

latatnh l`utria blilia l`utria d iušamin qra latatnh l`utria d kasiia uniaha  
ušidqa litbun iuhba l`l`utria d taruan dakita d mn qrita d hiia hun iuhba lhda  
mn alpa uiuhba ltrin mn ruban iuhba lhda mn alpa d hinun hdadia niasbrun  
hinun niasbrun hdadia uhdadia bkušTa naumun hdadia bkušTa ulakadbitun lmimirak ana  
kd paqdun hiia abahatai atit uqala btaruan dakita qrit qala qrit btaruan  
dakita utaruan dakita nihrat utiqnat mn riš briš iahibta l`rutai utušbihtai iahabt  
l`utria rahmia šumai aprištinkun l`utria kasiia ulmalkia d nhura d ana qrit  
aprišit lmalka d taruan dakita ulziua unhura d hatam šria aprištia lalma d mara  
d rabuta d hu aiar nhura rba kabira d hiia šumia aprištia lparSupa rba d `qara  
ulniTupta d luatia iatba aprištia l`utria ulgupnia u`lania dakiia  
d minihria liardnia aprištia lmadihta utriSilh `ruta d labaTla anhirtia ldmuth  
kd dilia ušaliTtia lalmia d nhura kulhun d barqa taruan dakita šrin haizak qam  
mn kursia u`štaTia qudamia sgid `štaTia sgid mn qudamai ubirkan bbirikta  
d napša usaka litlh amar lanihuibak husrana uqiriatak lanihaška ulanibaTlan  
`bidatak aminTul d rba br rurbia anat rbaihun anat d `utria abuhun d kulhun tušlimia  
bšumia dakia dilak anin nisar bdirkia d kušTa mn abatrak brikia hiia rbia d lak dilak  
mn kasia uqrulak ldilak qrak mn kasia ubhira rba šauiak šauiak bhira rba  
u`lauaian dilan šalTuk šalTuk `lauaian dilan d lanihuiban hasir ubSir atit mn  
qudamia lalmia d tauri`il `tit taqintinun l`utria uškinata balma d taur`il hun  
malalit b`qutai uziuai liušamin dna nhar `utria uruaz rbia utraS kulhun  
pasimkia iušamin bziuh hadia umanharlun l`utria kulhun umanharlh labatur blilia  
d qra ulataqin mn riš briš ulanihrat ulatiqnat b`dia aminTul d lapšaT iamina mn  
abuia mn qala u`ruta utušbihta d `utria uziuai lsihupta d ptahil dna ziuai dna  
lsihupta d ptahil uptahil libh bkita `timlia libh `timlia bkita ubainh dimihta  
Saralh uamar m`ata bra rhima d hiia rurbia qadmaiia d anhar `utria kulhun mn  
qiš briš iumai mahu biumia iuma d `utria qam btušbihtaihun qam `utria  
qam btušbihtaihun uškinata hadia urauzia mn riš briš haizak amarlh `utria  
d luath dilh iatba iumai mn kulhun iumia ziua d hibil ziua dna dna ziua d hibl ziua  
ulan dilan anhirinan bškinatan hu nibarkinan bTabuta uanin nisaq latar nhur  
anin nisaq lnhura haTiaian uhauban nišbuqlan bšumak triS `lan bit hiia rbia  
uabahatak bhšuka lamagzria `lan kd haizin šuma ptahil qam mn kursia usgidlh  
d rba sigudta uamar `u hinila hinialh lab manda d hiia ligal baita nibaTil ligal  
nibaTil `bidatun kulhin unihamla utisaq mnata d tuqna d bhiria zidqa d šr`iaa bmata  
d kušTania mn qudam tibil kulh hanath mnata lnhura salqa tisaq šuta braita d rm`ia  
bbaita napla haizak titpis tibil kulh `bidata d ba nithamblia nisqun hda mn  
alpa unisqun trin mn ruban nisqun nišmata d naSuraiia d `kilta d bnia d tibil  
lakal la`Tanap bTnupa haragta uTnupia lansib hargta uTnupia ula`tkatar bgauh  
d durdia d tibil u`bidata d tibil la`tkamar hinila `bidata d tibil ušurbata  
unišmata hinun d ruha umšiha ubabia trisar nizlun lnura d iaqda nisqun gubria  
kšiTia umhaimnia nihzunia ldaura taqna mištaiin hiia zakin uzakia gabra d asgia lka  
sa

. bšumaihun d hiia rbia mraurab nhura šania lriš kimSa dakia d mia hiia ulsaka  
d kulhun iardnia ulriš nigda d mia hiia d ngid uatia mn duktia kd huat hašabta  
u`STarar mia mn dukth kd `tingid rqiha ukd d `tmisiat arqa kd hua adam d pagria  
u`tpaqad `lh abihdh naTria kd `STarar mana mn kanh uata bgu pagria npal hašib  
d mingad ngida d mia hiia lmirmia bmia tahmia mingad rahaTia d mia hiia  
umitpaqad abihdia naTria naTra d tpaqad `lh d nišrun `lh Sauta unimalalun  
bqala d hiia unisqun šarša lka qiriua inigda d mia hiia ultrin bukria `hablun  
`hablun ltrin bukria lqrita qadmaita d mn hiia qadmaiia huat qrunun lšilmai unidbai  
d nSabunun badiauria u`hablun `ruta ubrakinun bTabu birikta u`hablun madihta  
d šanai minh mn alma `hablun kaluza d nirandidun unaqmun šakbia unairun lnišmata  
d mn nhura `takšal nairinun unirandidinun unizbrun anpaihun latar nhur ngad  
nigda d mia hiia ušamar mitiaihun balma minaihun d mia hiia mn bit hiia bkariuta

hun utinihta uhailaihun minaihun bSar hailaihun bSar minaihun ušilmai  
 unidbai d nimarlun bhailh d man `tingidinun upsaqnin mn atran man psaqinan mn  
 madihta d šanai minh mn alma man psaqinan mn kušTa ukana ulaupa d lip usaliq  
 latrh man psaqinan mn dmuta d midamin `utria batar nhur man psaqinan mn šuta  
 kasita d mištaiibh Turia trin man psaqinan mn šuta kasita d mištaiibh rurbia  
 l`mat nihzia ldmutun d mn trin parSupia d hinun lhdadia sagdia aminTul  
d atra d azlinalh haška dmutu ulanahra mitinsib hailaian umipisqinan bmia tahmia  
 bgauaian hauia bišuta uminaian hauia hasir ubSir hargta abdiban šibiahia  
 uTaman ušaršan mitinsib mištalTia `lauaian qiriata d maštaSia baTlia  
 mitgaTalban pagria uzma `lauaian mišad kabra btibil bišuta utiqlata napšan  
 kabria `lauaian šibiahia bTnupania mia nišmata bgauaian mithamlia kd haza  
 paršigna amar mia hiia lšilmai unidbai malil šilmai unidbai mn duktaun udraš  
 malil bmalalun d kabiria ulmia hiia d nimarlun nha ukun napšaikun mia hiia d nimarlkun  
 ldh udh d nimarlkun lhusrana ukariuta ubišuta d mn hiia tiniania huat lbišuta d huat  
 mn ptahil `utra d mn mia siauia sliq kd ptahil sliq mn mia siauia kulhin `bidata  
 sainata umhamblata minh sliq minh sliq husrana uminh tinihta huat `l aminTul  
 abatur iamina daina d `bidath lanibaTlan aminTul lkana d nišmata bmia tahmia  
 lanimita lanimita bmia tahmia ušuba `lauaihun laništalTun anatun mia hiia  
 asgun lhurba napla qrun qala d hiia ušribh bbaita Sauta adiauria hulin lnišmata  
d lšumh d iauar mitradpia niSTababkun maSbuta haita uniršimubkun dikia rušuma  
 nitasubkun kibia umuria d mn šibiahia napqia malil mia hiia ulšilmai unidbai  
d nimarlun kd naplinun bmia akliia qudam iauar zakuta litlan dina mitmar minaian  
 ubhiria zidqa makisilan batar hšuk kd mitansab šaršan utuqnan saliq latrh anin  
 lasaliqinin mn tibil umištalinin qudam nhura iaqra lhaTaian ulskilatan  
d hTainin batar hšuk kd anin mia hiia mištalinin lhalin kana d naSuraiia  
 mahu amritun `lh malil šilmai unidbai ulmia hiia d nimarlun hda saliq mn alpa utrin  
 salqin mn ruban bškinat hiia rurbia qadmaiia nišmata d `urbana ukadba lasalqan  
 kulman d `utbia muma luat hiia rurbia qadmaiia lamitakšar anatun pariq uasiq  
 napšaikun mn kibia umumia d šuba abdia latidamun lptahil `utra d mn mia siauia  
 sliq rušuma lansab mn iardna ubmia hiia la`uSTba la`uSTuba bmia hiia ulansab  
 kušTa iaqra lalam d labaTla tibil u`bidata d baita mithambal mištaušia garglia  
 umitpasqia maspuTiata d arqa tahma ulanahra aminTul d abahatun la`tamlak ulaudubun  
 ulamarlun ldh udh u`l d nsab rbuta ub`sura d napšaihun iatbia kd mitipsiq baita  
 uruhaiun d šuba tišlum utithambal dmauatun d kukbia trisar d lhazin šurubta d hiia  
 hla ridka ništaušia `bidata d tibil kula urqiha kulh nizdaranbia haizak ata  
 iušamin uabatur uptahil uhazilh lhazin alma guha mitagnalun blibaihun ltarbaSia  
 hadiaiun šaqpia hazilh lkana d nišmata d šapil kulh ldurdia bhanath iuma rba d dina  
 mn iušamin uabatur uptahil mitmar haizak atia hibil ziua umasiqlun mn hazin alma  
d iušamin uabatar biardna d hiia rurbia qadmaiia miSTba uhaizak ninsibunh lptahil  
 `utra mn rpilia d `sura iatib ubiardna d hiia rurbia qadmaiia miSTba bhanath  
 iardna sruth minh mitgirpa nitkarkubun bhia qadmaiia uništaiia lsadh u`sura  
d sbal balma ništaiia lkariuta d huatalh mn abuia malka d `utria nitaqria ulkulh  
 kana d nišmata ništalaT malka nitiqria d lnaSuraiia ubuta utušbihta ldilia nistrun  
 uhiia zakin sa

. bšumaiuhun d hiia rbia mraurab nhura šania kd `tinsib tuqna mn atria asgia  
 atalh lalma ata lalma d husrana d `thiblia lsin mn riš briš gabra d `hablia  
 tuqna qralh uzarzia upaqdia mn riš briš amarlia lbuša utuqna `hablak  
d tanharbia habara d baita kd mitaksia ziua d šamiš tuqnak dilak nidna kd šakib gabra  
 luat zauh bmaluašak dilak nizdra usahdutak bgauh d šarša taqna anat anharta `l  
 parSupia upariqtia mn kibia umumia umn kulhuin dmauata d lakašra upariqth mn bišuta  
d baita napla `l aminTul d šarša d mazruta haita l`dak dilak `thab anat anhar utaqin  
 uqaiim šurubta mn riš briš malil d nimarlh sin lgabra d tuqna d lbušia iuma  
 biahra mitiksina udrabšai dilia mitikrik mitikrik drabšai dilia mitikrik

umizdahribh naTria trin kd laitun ldilia ugubria luat zaiuaiun šakbia kd mqabla bhanath iuma Trušia ugirbania udmauata d la`dia ulaligria minaihun napqia šagšila šibiahia lmazruta umšauiba kul d biš malil d nimarlh gabra d tuqna albšia d hauia bhanath iuma lšurubtan dilan lamitakšar lamitamnia bminiana dilan ulamihšab bšaršan dilan mn riš briš br šarša hu d hšuka nizal lqina d minh hua uaqrh upaqdia uzahrh uzarzia utuqna uzaharta `lh šbaq amarlh `zdahar bkana d nišmata d šbiqlan luatak balma sgid uasgia mn qudamia lbit abatur azal asia azal lbit abatur asgia lmaTarata nhit asgia nhit lmaTarata lmašlunia hušbana mn riš briš biuma d nagid mn tibil bšaiia d kisia mn alma btiqlata d ramia ltarmidia hlaSa ungada ukbaša šabqia `lh mhauilh hauqa udahalta uziuihta alma d maiit umištarhaz uhašuk uhaui dmuth kd d lahuat kd napiq mn maTarata gaunh minh mitinsib uhaui dmuth kd d lahuat hailak iatib bmarkabth ulabiš drabša taqna unagdilh ltuqna rba umasgia lgauh d alma biuma qadmaia d mitahzia riših d rqiha mitpata napiq mn rqiha `laia ulrqiha titaiia mistimak alma liuma tiniana dahna ziuu bkulhun almia alma liuma šubaia biahra d sin bqala d hiia mamlil mamlil bqala d hiia aminTul d hauqa udahalta uziuihta `nišia `nišia lhauqa udahalta uziuihta d ramia bišuta bkulh alma `lkun amirna umaprišna gubria d bhiia sahdin ašar usbal ridpa bgauh d hazin alma ubgauh d baita napla aminTul d ligal baTla tibil utrin Turia mitgababia mitgababia trin Turia haila unhura minaihun mitinsab mitinsuab haila ušrara d kulh hua luataihun mn riš briš haška umitaslia dmutaihun hauia dmutaihun kd d lahuat mn qudam nišmata d audubun qahda ugahia ubakia mn duktaihin uamrilun kd huainin balma hanath nhar ziuaihin bkulhun almia d anin shidnin bdilkun ušabinkun mn riš briš hašta alma d `tasliat dmutaikun uhibrat uhiškat kd d lahuat lahuatalun paršagna lšibiahia d nimarlun lsagadun kd d huat šibiahia unišmatun usagadun uhšukun ukulhin qiriatun uap nišmata d bnia šurba rba d hiia d audubun l`šaiul titaita šaplia šaplia bhiuia rba d hu `ur marh d hšuka šumia minh umn hanath iuma mitparqa umištauzba nišmatkun unišmata d ahan Tabia halin ahuatan d mhaimnh unišmatun d gubria kšiTia umhaimnh nisqa nihzunh latar nhur uhiia zak`in sa

. bšumaihun d hiia rbia mraurab nhura šania qala d sam ziuu dakia d rbia mn pumaihun rruia rbia qruia mn pumaihun udiauria nSabilia nSabilia adiauria tušlimia dakiia d nihuilia Sauta bškintia albišuia šuba lbušia d ziuu unhura u`qara ulbit ginzaihun šalTuia šalTuia l`utria ulpasimkia uliardnia ulškinata d atar atar šilTuia lmania šihia ulziua d iaqid batra aprišuia lshaq ziuu rba d hiia ulatra šribh mn riš briš amarlh lhanath alma d mn kulhun almia d nhura ksia qiriua lhamgai ziuu br hamgai ziuu u`hablia adiauria u`hablia šuba razia kasiia dakiia unTiria d hu bgauaihun mitnaTarbun mn riš briš šalTuia lplugta d iurba uamarlh d `zil dara nTur u`zdahar bkana d nišmata utaqin uasiq latria kd ragiz iurba bmimrak dilak nitakbiš latihuq ulatizha ulatitazha ulaništarhaz mana d bak latiahqa lanana d `tiksiatba mn riš briš latihuq ulatizha ulatimar d balhudai ana `hablak adiauria d kušTa d hinun nihuilak naTra hinun naTra nihuilak uniparqunak mn kul d snia niparqunak mn haršia d ruha umšiha ušuba šibiahia umn hablia d trisar kukbia niparqunak mn hirba ubarda unura d iaqda d hamša zidania d iaqdanian btibil šabqia kd kabra `lak bišuta qalan dilan nitia `lak kd mhašbia bišia lkana d nišmata umahuilun hauqa udahalta lduktak latirut ulatizha ulatitazha ušuba lanidun llbušak ulanana d bgaua `tiksit kd ragzia brugza rba `ngid kušTa mn qudamak dilak nitia `lan nišadarlak šganda uanin nihuilak naTra nišadarlak haila rama d npiš usaka litlh nišadarlak haila napša uruhSana rba kabira mn dukth nišadarlak adiauria adiaruta d šuba minh minh ništarhizun nitilak bauata kasiata uniTupiata d labaTlan nitilak bauata kasiata d labaTlan nitilak bauata kasiata d mitkabšibin mardia nihuilun šrara ltarmidak d dairia bdaura baTla nitrihSun bruhSanak umn iad šuba nitparqun nitparqun mn šuba uTbutan dilan udilak niligTun naSuraiia d šihia šihia anat huibun sahdia anat

sahda huibun ubhailak dilak nisqun latar nhur unitkarakbia baiar stana gupna d mn  
dara d hiia rurbia qadmaia triS nitlabšun biura d rbia unitriSun bdaura taqna  
bdaura taqna nitriSun ulmdinat `utria nitauzipun naSuraiia d lašahia ulrbuta  
urugza iatbia unaSuraiia d lašahia hailsa ušrara umimra minaihun mitinsib  
mitinsib hailsa ušrara umimra minaihun nitimhun bmhita d asuta litbia  
nitimhun ulanitasun mn qbal d rišaiia uprišaiia hun rišaiia hu prišaiia uhauqa  
udahalta uziuihta hzun kul mhita d hšuka bmimra luataihun huat kul mhita d nhura  
bmimra luaihun d huat d lalgaT ulašar ula`tazha hauqa uziuihta lahuabun lahuabun  
hauqa uziuihta ulapraš d napqia minh mn alma kd lahaš ulapraš mn šumak dilak  
nitkaprun unitharkun biaoqania d šuba umnata d šuba nihun uhiia zakin sa

. bšumaihun d hiia rbia mraurab nhura šania ana hu iukabir kušTa d asgit mn bit hiia  
atit atit bziua unhura d saka litlh atit luat bhiria zidqa d husrana ukarba litbun  
aitilun `mra ušima kd d rbia paqdun aitolun pugdamia kasiia d nihaiun gabaruatun  
bmaštuSia d ka kd hibil naTar dara ana šganda lqudamia huit ana traSilh kursia  
banana uana anhirtia balbušia haizak hibil brabuta paqdan lrahmia šumia aitolh  
mimra kabira d šanai usaka litlh nSablun markabath `hablun sahdia dmu `hablun  
bauata kasiata d šibahia ušurbatun bgauaihun mitgaTla `hablun `uSTamumia d mia  
hiia d humria d baita bgauaihun mitgababia `hablun sakia d mia d minaihun  
gabaria d hšuka mištarhizia `hablun kabšia rurbia d kulh šarša d hšuka umia siauia  
minaihun mitkabšia aitolun lbhiria zidqa bmarkabatun kd iatbia kd iatbia  
bmarkabatun umqarqililun lmaštuSia d hazin alma kd hibil naTar dara ldilia  
iukabar kušTa qran ušauian šganda lbhiria zidqa šalTan šalTan lbhiria zidqa  
uana huitilun naTra ana huitinun lšibahia d lkukbia trisar mn markabatun npal  
ana huitilun adiaura ubhailai dilia iukabar kušTa zhira d mhamblania baTil  
hiškat dmutaiun utingar hailsa d markabatun qam qudamaihun d bhiria zidqa ukul  
d bun aška minaihun mn riš briš kd šitol naTar dara atat naSiruta lalma kul  
d abad umiuad hua hun gubria prišaiia d priš napšaihun mn alma hun gubria prišaiia  
d apriš napšaihun mn d mindam d `tiksih šibahia minh lakal ulabad mn `bidatun  
ubalma d šiqulun la`tagzar ulahiškat dmutaihun ula`psiq šumaihun mn atar nhur  
tum aprištinkun ana iukabar kušTa lnigbia d minaihun hun amarulun d latibaTlun  
buta utušbihta kd pihta lamšauilkun latiTaibun d niTaibia lzidqa ulanišauia pihuta  
bšitin gauazia d barda nibla bšauTa d nura umia siauia nitnangar kd kabar  
`lauaikun ridpa ušagšilun razia naplia kd kabir `lauaikun ridpa malil bqala  
d hiia qrun kd tibun buta ulatišun pihta `kilta d pagria tiklun kd paršitun lhazin  
raza haizak lligraikun qum haizak qum lligraikun ubuta d šitin uhda zibna bun kd  
baitun hazin buta utušbihta haTaiun uhaTaikun uhaubaikun tišbiqlkun  
titasun bmania d nura mn šitin uhda mihiata ubmania d nura latiplun latiplun  
bmania d nura ubšitin uhda dudia d rahta latitnangrun kd bihiria zidqa d npaq mn  
pagraiun nhura mn haka sliq nhura sliq mn haka usliq širša taqna salqa Tabuta  
utuqna umadihta uSauta d nhura mn baita napla `tiasbit mn hda mšara d tibil  
uazlit ušrat bmata d kušTania naTria d hun haka azaliun ušrun liardna mata  
d kušTania npiš bnpiš uatir biatir qala d hiia miTpa Tpa mzaga d tuqna d paš  
btibil `tiksia luat anašia tahmia batar atar Sauta silqat minh upaš riTna  
taqna minh umn hanath iuma tarmidia mn hanath `l nhura lasalqia `štaial  
u`tangar alma d Tupša minaiun šla kulman d Tupših šla minh sliq lbit abatur  
mitriS d Tupšia lašla minh daiik uauid kd d lahua `lkun qarina umaprašna gubria  
kšiTia umhaimnia nigba d nagbia mn dara batraia bmalalai ubbirikta dilia nisqun  
nisqun bbiriktai dilia unitqaimun mn riš briš ana anhirtinun uaprištun  
d lanitiqlun balma d nitqal nimut unithambal tum ana anhartinkun  
uaprištinkun d ninhar unitqun ana huilkun bahad `da ahid `da usimaka mn atra  
d hšuk latar nhur uhiia zak`in sa  
bšumaihun d hiia rbia mraurab nhura šania mn škinat kabiria rbia qrun upaqdun

uqaimun qrun upaqdun rbia uzarzun ldaria šibqun lmiqria qala d hiia ulmišria  
 bbaith Sauth lmiqria qala d hiia ulminSab d rbia niSubta niSubta d rbia lminSab  
 ulmingad iardnia mn riš briš lmištal šitlia kširia umašqinun mia hiia  
 rauzia lmalpanun hukumta usibruta utušbihta d napša usaka litlh lmitilun qala  
 dakia d mitqaimibh bhazin alma nimalalun b`ruta d hiia unirandidun unaqmun  
 šakbia niligTun unirmunh dirkia unidriklun dirkia unitirSun kudka unasqun  
 bmadihta d mn bit bihram rba d hiia atat nitaprišun lnišmata d šihia ldaura  
 taqna nirandidun unitaprišun uninSablun d šanai pasimkia nihaunun širša rba  
 d birikta d hiia rurbia qarmaia minh hun naSuraiia kšiTia umhaimnia nisqun  
 nihzunh latar nhur naSuraiia uprišaiia lanikatrūn bhazin alma lanikatrūn bdina  
 rba laništaiun ulanitmar dina minaihun d nitmar mn kulhun almia lanithaiun  
 bit dina ulaniplun biama rba d sup d hinun ruha umšiha saipia saipia trisar  
 kukbia saipia šuba šibiahia dina minaihun mitmar sapia šuba šibiahia marauata  
 d daura baTla marauata d baita napla naSuraiia d lašahia lbit hiia bhTita rabtia  
 hTun pagraihun qam bhusrana uhuabun hasir ubSir npaš sbar ginza mn tibil  
 ‘lauaihun la‘tikšar kd maTin baba rba d bit abatur mn baba rba d bit abatur  
 nitkamrun nitkamrun mn baba d bit abatur lanihzuna latar nhur lanihzunh lmedihta  
 d mn škinta d hiia rurbia qadmaiia ‘tinSib ništiqal minaihun ginzaihun  
 unišaplun lkiniana d atar hšuk ništqil minaihun bauata kasiata d sbar minh mn alma  
 ništqil minaihun sidria kasiia uspinata mzarzata mištqil utitinsib minaihun  
 masiqta umaSbuta tisaq lduka d manh atat nitiksia minahun ginza d kasia luat iura  
 rba ganzibra titraS mitqar minaihun nhura ubguhnam titaita tištagar napil  
 bdudia d rahta unicum bnura kd iaqda nihzunia d nihizia lkariuta d šibiahia  
 unimut trin mutia bhad kul d bhir zidqa ukšiT umhaiman mn riš briš mn atria  
 lanipsiq lanipsiq mn atria unitlip blaupa iaqra nihzuna ltuqna d šarša unitqaimun  
 bzia kisia mn riš briš nalbušun ‘uSTla d zia d šanai usaka litlh unikisunia  
 TarTabunia d nhura d nahur utaqun mn riš briš nisrulh himiana d himian mia d kibia  
 unTiTia litbh nitriSlia mn klil aiar d mn ruaz gupna hua kd napiq mn pagria nipuq  
 alanpia paruanqa nasbh lškinat rbia d šanai usaka litlh latra d iatbibh rbia lašania  
 šapala mn mulia uhiia zakin sa

. bšumaihun d hiia rbia mraurab nhura šania bhaila d zia usindirka iauar qrulh  
 upaqduia lkul Sbu aprišua ‘l madihta d šanai usaka litlh paqduia lTura rba  
 d šanai ubaiar nhura uiaqir mn riš briš nSablh `ruta d hu bgauh mitapriš ‘hablia  
 pugdamia kasiia d šanin umnakrin mn riš briš alma aprišua liura rba uldmuth  
 d minh šania aprišua lnSab rba ulškinata d škinlh batar nhur aprišua lzarzi‘il  
 zia ulmana niha umqaimia aprišua liusmir ‘utra ulškinata d škan kd `utria  
 malil hibil zia d nimarlh lnaSbia umšabalh lmana rba kabira d nSablja škinta  
 mn riš briš audh uaprišia uanhirh ‘l kasiata uaprišia lmaSbuta haita ulmiša  
 dakia d hazin alma aprišia lnaSuraiia kd mn pagraihun napqia amarlh `zil  
 lnaSuraiia d šbiqin bgauh d alma amarlun kd napqitun mn pagraikun bmiša dakia tisqun  
 aminTul d kabir uiaqir mimrh dakia d mn bit hiia rbia ata d bmiša dakia lanisq  
 lmaTarata d ptahil ninTar alma d nisaq bšitin uhda ‘ngirta haizak balma d nhura  
 nitriS nihizih `l taur`iil gupna d biardna d taruan dakita šria nihizia ‘l  
 tatagmur `lana d liardna d mara d abuta šria nihizia laruaz gupna d minh birikta  
 d hiia napqa d minh napqa briktā d hiia ukulhun `utria brihh basmia nihizia  
 liusmir gupna d barqa d sam zia šria nihizia lšarhab‘il gupna d barqa  
 d hibil zia šria nihzinun lšuba suradqia d zia unhura u`qara d ngidia lgupna  
 šania nihzinun ltrin Turia dakiia d nihua uiatbia batraihun nihizia liauar  
 zia rba d hiia gupna qadmaiia d barqa d hiia rurbia qadmaiia šria nihizia lšar  
 gupna d barqa d hiia qarmaia šria nihizia lpirun gupna d barqa d šarat uabdat  
 ukišrat šria nihizia lgupna rba d lpiria d iauar ‘titia šria nihizia lgupna rba  
 d nišmata d ianqia bgauh mitrabin ušatin mn ‘bibia urauzin nišmatun uparian

parian nišmatun ubalmia d nhura mitqaiman nihizia liura rba unihizia lkisia  
d nSabl<sup>h</sup> nihzinun ladatan uiadatan d lbaba d bit hiia iatbin nihzinun lšilmai  
unidbai d banana rabtia kasita qadmaita dairin d bhanath<sup>h</sup> anana umpaqdia lkulhun  
iardnia nihizia liušamin dakia d atutia hapiqia mia šria nihzinun larba gubria  
bnia šlama d hauilun lnaSuraiia bahid `da bahad `da usimaka mn atra d hšuk uatar  
nhur uhiia zakin sa

. bšumaihun d hiia rbia mraurab nhura šania busma ana d `utria d asgit ušrit bilbab  
kšiT libai d šritibia uanhartia utaqantia mn riš briš mn riš briš anhartia  
utaqantia uaitit šritibia Tabta šiqlit minh<sup>h</sup> tinihta d šuba lpagra aitun šuba  
aitun lpagra uaitun ušrun blilbia haškia d manhar blilbia b`ruta mistar batar nhur  
d b`ruta lamanhar mipsiq minh<sup>h</sup> mn atar nhur ana b`uSrai mitraiina d haizin huat mn  
duktai mn atrai man šibian mn abinia abahatai d rabiun man atian luat haiabia bnia  
d daura baTla man atian luat mridia d kul iuma qraba abdia man hauian mriuta  
d hiliuta litbia man hauian hšuka d `uSba d nhura litbia mn hauian mia sariia  
d lgarglia mitapkia lgarglia usalqia srutun maTia arqia latrai kd qaiimna zahit  
uziuihta lnapšai amrit d litl<sup>h</sup> naSba rama ulatl<sup>h</sup> gabra munqa latrai kd qaiimna šimun  
rbia ulagzar `lia šadarl<sup>h</sup> naSba rama ušadarl<sup>h</sup> gabra d munqa šadarl<sup>h</sup> adiaura  
niaha d ata uparqan mn kul Sbu `štaiilia bšuta uparqan minh<sup>h</sup> umn alma uqran  
bqala niha uaniha llibai lsamkia aprišan `l tušbihta uridpa d tibil `nšaitl<sup>h</sup>  
uamar ia `utra niha lau bSubian rbia rbia atit latit bSubian rbia ulau bSubian  
`utria d tam hinila bSubian trin `utria d šihluk ulhaka šadruk šihluk ušadruk lhak  
ušibquk bgau<sup>h</sup> d alma aTar huitb<sup>h</sup> urbitb<sup>h</sup> alma d hnatal<sup>h</sup> labuk kd labuk hnatal<sup>h</sup>  
d nimarlik haizin huat ana lab amarnal<sup>h</sup> lgabra d `tpaqad `lai man hinun trin `utria  
d šihlun lhaka šadrun šihlun ušadrun lhaka ušibqun bgau<sup>h</sup> d alma hu adiaura amarl<sup>h</sup>  
gabra d `tpaqad `lai man bra d siba d abuia d šihluk ulhaka šadruk šihluk ušadruk  
lhaka ušibquk bgau<sup>h</sup> d alma aTar huitib<sup>h</sup> u`rbitib<sup>h</sup> alma d hnatal<sup>h</sup> labuk kd labuk  
hnatal<sup>h</sup> šadarlak adiauria adiauria šadarlak u`štaiilak haizak ia `utra niha  
qum lbit anašatak saq uluTia lhazin atra d bit munqak kma d anat huitb<sup>h</sup>  
udartbia šuba hambagak hun šuba hun hambagak utrisar hulak ridpa trisar ridpa  
hulak uamria naslinun l`ubadia d `Tak luatan nagzria `Tak nagzria luatan  
utihuil<sup>h</sup> mnata balma ana talalit udaršit b`uSrai uamarnal<sup>h</sup> lab adiaura niha lgabra  
d `tpaqad `lai ab `u iadit d biSrit agzran bdaura d haTia amar ia `utra niha miTpa  
Tpit ulabisrit ab `u iadit d labaSrit mahu `ka d šauitul<sup>h</sup> kd haza šuma minh<sup>h</sup> mn  
pagra apqia albšia albušia d ziua utraSlia klila iaqra tibra `l maTaratun urabut  
apqia mn alma apq<sup>h</sup> ulrbia asmikh<sup>h</sup> d larqa d rbia bgau<sup>h</sup> iatbia misliq sliq `utra  
utraSlia kursia u`lh `tib ana `marlakun rbia ana `markun rurbia hazin  
d huat kd haza d `lai tibdun mn gaTuptaikun btibil auda latibSar bSar dara uridpa  
bnpiš kbar `lauaihun `tib `utra `utra sdira umsadra anin mida iadinin  
d giTuptaikun btibil auda latibSar bSar dara uridpa bnpiš mištbiq `lun anat  
`tparaqt usliqt `utra udmSia abatrak nisaq mištaiin hiia zakin uzakia gabra  
d asgia lka sa

. bšumaihun d hiia rbia mraurab nhura šania mn dmutai mištaiina d atai nibun ana  
uanat nibunba bqala kasia unibunba bpira šania d mitinSiblan piria umitinSiblan  
audiauria anat ldilia šabai uana `šabh<sup>h</sup> `lak nitnaTar bziua sagia unisadar hdadia  
mn riš briš `Tak mitinSiblan `utria umšabilan rurbia kd amar u`thašb lSauth<sup>h</sup>  
lSauth<sup>h</sup> `thašab bh<sup>h</sup> kd bpiria šania amar u`thašab uqria Sauta liaminai uqria  
Sauta lsmalai uqria šlihia d hiia d mnaTril<sup>h</sup> bkisia malalat d timarl<sup>h</sup> dmuth<sup>h</sup>  
lmana iaqra `u tiqria šlihia mitnapša riša d šurubta d niSubtak riša d niSubtak  
mitnapša aminTul d husrana d alma bgau<sup>h</sup> hauia kadba uhauib<sup>h</sup> guha balma  
malalit d `marl<sup>h</sup> ldmuta šania mn riš briš hšiblan d labaiinin niSubta d ninSab mina  
hauia hasir ubSir hasir ubSir hauia mina hauiba guha balma ana kibšit lSautai  
sigdit unisbit mina kušTa iaqra alnin bmania u`tksinin ušrat d tihuia Sauth<sup>h</sup> kd hun



qadmaia Itinania mithašbia kd hun tiniania Itlitaia mithašbia kd hun tliaia  
 larbaia mithašbia minaihun d arbaia hauia hasir ubSir hauia hasir ubSir  
 minaihun uhuabia guha balma malalat d timarla dmuth lmana iaqra lau mimar  
 amarilak d labaiinin d ninSab niSubta labaiinin niSubta d ninSab d minh hauia  
 hasir ubSir hasir ubSir hauia minh uhuabia guha balma malil d nimarla  
 ldmuta šania mn riš briš alma d titlh Imihuia anin nibaTlh  
 ništarhibuba bhiria zidqa unisqun qala lka minaiun bširša nisqun uminaun  
 mitkamria balma d mSia napšia mpariq nisaq nihizia latar nhur d mSia unapšia  
 lampariq nipuš bgauh d alma bgauh d alma nipuš utihuia mdurtia mn alma anin  
 niqrilh lšganda šganda d niSubtun d rurbia nipaqid unišadria ltam mindam d hatam  
 niiasaq lka nipaquinun lmania nihia uniparqia lmana iaqra lmana iaqra nipaqa  
 unihuia Taba bit tušlita ana qiriun upaqdun rbia umn hukumtun šrun šrun 'lai  
 rmuta mnaTarta d mnaTrilh bkisia šrun 'lai rhamta d tihuilkun lrahmai šrun 'lai  
 Sauta unihuta d 'štaiilan lrahmai lrahmai 'štaiilan u'parqinun mn audia 'parqinun mn  
 husrana d hinun 'bduia mn napšaihun mzarzilh umpaqdilh kd aba d mpaqdia bnh  
 mhananilia umnašqilia akuat aba d mnašaq bnh mzahrilh umnaTrilh uap qaimia  
 bmalala uamria ganzibra mšadrinalak ligal bšgandia ata ligal ata bšgandia  
 uaitilan niSubta d rurbia alma tihuia bgu tibil ualma titgabar 'l audia alma  
d tišbuq d lbuša dakia utilbuš lbuša marda alma d tišbuq razia nihia utialbun  
 brazia d audia latišbuq Sauta d rhamta utirhum Sauta d audia latišbuq šuta  
 haita utirhum Sauta d audia kd amarlh rbia kibšit usigdit mn riš briš lmahu  
 timarulh haizin libai bplugta qam libai qam bplugta uainai bdimihta  
 'Starar ainai 'Starar bdimihta alma d haulilit lduktai bkit miaka d hua bit  
 rbia urihma lšuta d audia miaka d nišbuq lbuša dakia unilbuš lbuša marda miaka  
d nišbuq Sauta rhamta nirhum Sauta d audia miaka d nišbuq šuta nihuta nirihma  
 lšuta d audia amarlia amarnin d nimarlak latitragag laudia aminTul d tiniana d hua  
 qašiša hua minh hasir ubSir hasir ubSir hua minh uhuabh guha balma uhaizak  
 qiriuia lmanda d hiia uamarlia bligal ata nTur bnak uata bnak nTur ubraquinun  
 bbiriktak hanath birikta d brikunin l'utria bnak bbirikta d birkak ušra 'lai mn  
 Sauth ušra 'lai mn niSubth ukibšit lhiia sigdit uaititilh lalma kibšit lhiia  
 sagdit umalalit bqalai šania asgit 'l škinata l'utria Tabia d nSab 'utria  
 mihizia d hiziun sagdun umšabin mn riš briš umšabilh l'utria d rabuta d kulh  
 šrara minh hua amrilh 'lia masgit bra d ziua u'lh hiia lhaka šadruk amarnalun  
 masgina l'umqia d kulh sruta ul'bidata d lamšauia 'bdata d abad 'utria  
d msatra mn duktaiin amrilh 'zil taqin uasiq bzaku niSubtak ata minaian 'tinSib  
d lauila adiauria asgit bhailaihun d hiia tušlimia niuilak paruanqa birkak  
 malka d aiar uasgit ltibil d audia bišia mihizia d hiziun 'stahap alanpaihun npal  
 'stahap npal alanpaihun uazal liama rba d sup hzainak 'lak gabra d dmutak lau mn  
 dilan h' ana malalit d 'marlun lbišia kadabia d dairia balma hazin lbuša mnalkun  
d mbasimla lriha d srutkun ana šihlun hiia atit d 'iasim bzaku šurbta hiia lgaT  
 Tabuta d 'utria mn tibil sliq uhiia zakin sa  
 . bšumaihun d hiia rbia mraurab nhura šania kd atit ana anuš 'utra lgauh d hazin  
 alma atit qrit qala d hiia utarSit d hiia niSubta malilit bqalai udiršit uairit  
 bhiria balma qritibh bkaluza urandidit uaqmit šakbia utarmidit tarmidia  
d šihia latar nhur lruha man amarla lhasirta bSirta man asbira man amarla lkadabta  
d gbar nukraia asgia lka lruha man amarla d 'da lriša šadia 'da šadia lriša  
 ugdula briša satra gdula satra briša ualai alai mraria ruha brugza malalat  
 ubšiqra nipqat minilta ruha brugza malalat ulbna bukra d timarlun amralun atun  
 atun bnai bukra mindam d 'marlkun šuma atun 'thašab bišuta unilgaT ligiTta  
 balma ligiTta balma nilgaT mn šurubta d gabra nukraia d asgia lka haizak knap  
 kukbia šuba luat ruha d qudša azlia amrila bmahu nilgaT liguTta bgauh d hazin alma  
 amralun atun niškub aluat hdadia ulrazia d kulan ninisbh ninisbh lrazia d kulan  
 ugbilta bgauh nigbal nigbal gbilta bgauh unibinia lmata d 'urašlam knap kukbia

šuba luat ‘maihun škib škib luat ‘maihun umn razia d hdadia nsib nsib mn razia  
d hdadia ubniuia lmata d ‘urašlam biniuia l‘urašlam mata pirSa hbalu uzaniuta  
 bgauh šbaq amria d kul d iatib b‘urašlam mata šum alaha lanadkar qam kukbia šuba  
 unimrus `ma d alma qam kukbia ušuba markabatun atun atun bšuba markabatun unhit  
 mn rqiha larqa anpaq mn alma hazin ualma lbit rahmia mTun ruha lbna timar  
 lmaštuSia baTlia amarlun bnai sira markabatkun d nibinia bhazin dukta qala npaq  
 mn anana d anuš ‘utra ulruha d qudša d nimarla dukta d hazin mata mitbinia  
 tlatma ušitin uhamša tarmidia mina napqia ašliat bqala uqihdat ulbna šuba  
 timarlun amarlkun qum qum bnai šuba latibniu bhazin dukta luTta bišta  
 mTanapta d lmarkabata dilkun atat `tib bmarkabatun uasgun mn hanath dukta  
 asgun alma lbit mTalalia mTun ruha lbna timar lmaštuSia baTlia amarlun bnai  
 sara markabatun unbunia bhazin dukta qala npaq mn anana d anuš ‘utra ulruha  
d qudša d nimarla dukta d hazin mata mitbinia tlatma ušitin uhamša tarmidia mina  
 napqia malalat ruha d qudša ‘l šibiahia d timarlun qum qum bnai šuba `ngirta  
 brugza atat `lan qum bmarkabatkun uasgun mn hanath dukta asgun alma lkrak nSab  
 mata nimTun malalat ruha d qudša ulšibiahia d timarlun bnai sara markabatkun  
 nibinia bhazin dukta qala npaq mn anana d anuš ‘utra ulruha d qudša d nimarla dukta  
d hazin mata mitbinia tlatma ušitin uhamša tarmidia mina napqia ruha brugza  
 malalat ulšibiahia d timarlun qum qum bnai šuba mindam d amarlkun šuma qum nizal  
 mn qudam hiia rbia qam ata šuba šibiahia uasgun mn hanath dukta qam u`tib  
 bmarkabatun ušamar mizlaihun balma šamar balma mizlaihun alma d ganpia  
d markabatun šmaT malalat d timarlun nimrus `mh d alma bnai sara markabatkun  
 unbinia bhazin dukta bhaza dukta nibinia aminTul d ‘uhra šlam malil  
 šibiahia d nimarla lnimrus `mh d alma ha `tirgil hailaian uganpia d markabatan  
 šmaT ha nimar bmimran unbinia bhazin dukta knap kukbia šuba haršia upudria abdia  
 haršia upudria ušum alaha ladkar qam kibša llibta qadmaita ubinia lmata d ‘urašlam  
 qala npaq mn anana d anuš ‘utra ulruha d qudša d nimarla dukta d haza mata  
 mitbinia tlatma ušitin uhamša tarmidia mina napqia malalat ruha d qudša  
 ulšibiahia d timarlun atun atun bnai šuba Tubh lman d alaha hauilh adiaura  
 biniuia l‘urašlam mata d iahuTaiia bgaua hun `hablun `ubadia d hšuka ušuba  
 `lauaihun birikta brak qrinun lmlakia naTria nunia d iama uSipar gadpa  
 b‘umamata aumunun aumunun b‘umamata u`hablun liahuTaiia b‘urašlam ubrak  
 `lauaiun birikta ukul d bun aška mn riš briš hun šuba ‘uSTunia d kul hargta  
 ukidba minaihun hua `tkanap iahuTaiia bgauh d hurba Sadia `tnapaš iahuTaiia  
 umaTiat lmligat ligiTta badmu pagria `damit uasgit lmata d ‘urašlam malalat bqalai  
 diršit huaitla lmiriai asia asia huaitla lmiriai uasita mn riš briš `tqiriat  
 asia d kušTa d masia ulanasib agar ahitta lmiriai biardna uSbaita uršamta  
 bdakia rušuma umn miriai šalmanita iaqip ubnia amin praš mn iaqip ubnia amin  
 tlatma ušitin uhamša tarmidia praš praš b‘urašlam mata d iahuTaiia brugza hun  
 ugaTlunun ltarmidia d šuma d hiia dakria ana kd hzaitinun brugza uzida biša  
 `timlit `lun `timlit `lun brugza uzidia biša ulqudam hiia rbia silqit amarilh  
 lab kd d huat mn dukta tum amarilh kd šuba abad bhazin alma kd haizin šuma manai  
 `ngirta brugza `hablh `hablh `ngirta brugza `lh lmata d ‘urašlam lruha man  
 amarla lhasirta ubSirta man asbra man amarla lkadabta d nišra hiuara sliq lmata  
d ‘urašlam qarialun lšurbata kanpilun lkulhin humria qarialun lkukbia šuba  
 uiatba umalia nagda uamra uailak ‘urašlam mata d nišra bgauak sliq uailinun  
 liahuTaiia bmhita urugza mitgaTlia uqaima ruha d qudša ulanuš `utra midina  
 amralh bhaiak anuš ‘utra latiahriba lhazin mata ‘urašlam d ana bnit malil  
d nimarla lnamrus `mh d alma man d hambaga lnhura hauilh muta tiniana nimut  
 iahuTaiia mn dahaltaiun bauania auania `tiksun malil d nimarla lnimrus `mh d alma  
 hinila šubqan ldilia d `hiSinun lbabh d šura `lauaihun lduktaiun nitgaTlun  
 nitgaTlun iahuTaiia d btarmidak hTun mhaita bakla d ziua uamarnala mn qudamai  
 zhai ana atit brugza hiia brugza šadrin hiia šadrin brugza lhurba d mata

d 'urašlam 'uSTuna 'uSTun qadmaia šrit rmaith mn dukth pasth l'sraail 'uSTuna  
d ltarmidai hualun ridpa pasth liaqip 'uSTuna d qaiim lbaba d 'urašlam kbašth  
ladunai 'uSTuna d npaq bmiSaita d 'urašlam pasth lzatan 'uSTuna lšura baraia hua  
rmaith lSihmai 'uSTuna d lšuria gauaia hua rmaith lkarkum 'uSTuna d kulhun  
mlakia bgauh rgalth lsahra rba d naTra d 'urašlam bgauh hun haribta l'urašlam  
mata d zma d marmidai bgauh 'šad gaTiltinun liahuTaiia d lšurba d hiia hualh  
ridpa kul Sipar gadpa uhiua saina minaihun hua kul qupia uzabia minaihun  
d iahuTaiia praš kul hiua biša d 'lauaihun hua brugza misap saipia liuma rba  
d sup šrara hualun ltarmidai d sbal ridpa b'urašlam pasth lbaita d lau Tabu hu  
uhiia zakin sa

. bšumaihun d hiia rbia mraurab nhura šania lriš klila dakia d šadar rbia l'utra  
niha qiriuia qiriuia l'utra niha uasquia lškinata rbia amrilh l'utra niha  
'utra niha umqaima sab haila bnpiš d mn hiia d iatbia bškinatun klila badmu  
klila dakia anat brišak dilak sab napša unhura d saka litlh sab pasimka biaminak  
unitun minak 'utria trin banana kasita bmalalai dilia umqaimia sab mn bauata  
d anin baiinabun sab mn 'rutun d litbh hasir ubSir 'zil banana kasita d nitun minak  
'utria trin asgun lbhiria zidqa d husrana ukadba litbun auilun šuta d hiia d napša  
usaka litlh asgun lbhiria zirqa gubria kšiTia umhaimnia atun qrun qala d hiia  
d hinun nairun šakbia 'hablun malalia kasiia d hinun bgauaihun mitaprišia  
aprišinun lhiia rbia kd mamlilibh bsidraihun hiia zarzinun lnaSuraiia d 'ka  
bgauh d alma hazin 'uSTlia d ziua nilibšun nisqun bdirkia mn abatrak ahbalun  
'mra ušima d mn zidia nitparqun ahbalun mn Tabuta d paq dun hiia rbia bškinatun  
ahbalun hukumat aiar d niqmun unibun mn rurbia aprišinun lalmia d nhura ulškinata  
kasiata d hinun bgauaiin iatbia aprišinun lhiia rbia aprišinun lmania tam  
aprišinun lklil aiar d traSlun lhiia rbia bškinatun aprišinun lhiia rbia  
'utria d bSiuat hdaia iatbia aprišinun lmana niha ul'utria tlata d bšibia  
nisbuia lmana uatiuia ldaura d haTia amria 'lh šuba d mn dilan nitimnia nitimnia mn  
dilan nihiua unihuia luatan balma nikatria bgu tibil d lanihizih lnaSbia  
lanihizih lgupna rba d gubria d haka qaimuia lanihizih liaqid ziua bškintia  
lmahu damia lanihizih labahath laniruaz balbušia lanihizinun lhiia rbia  
ulanihizinun lhiia rurbia ulanihizinun lmania d haka amar mana niha  
umaprišilh lkula šurbath gupna ana lihdaia d qaiim bgauh d alma litlh naSba rama  
ulitlh gabra munqa ulitlh adiaura niha d nitia uniprišan lkul Sbu rbia 'bduia  
lmana nSab ušadarlh naSba kasiuia bzuiua napša unhura d saka litlh klila aitit  
biaminai ubsmalai aitit 'uSTla rušuma aitit blibai haduta d rbia d 'hablia  
bhadata d 'hablia rbia mana mn pagrh npaq laiadia 'lh šuba 'la d abatar mn pagrh  
anpaq alma lbit tiniana ziua d mana mn baita larab kula mihšuk hašak haizak 'da  
'la šuba kulhun bmalia iatbia šamiš šbaq ziuu usira tuqn šbaq 'nbu šda siprh  
ulibat biluria šdat kiuan šaria halSh ukšara mn Sauria psaq bil šbaq zainh  
uaqapra briš ruha rma alahia ušulTania 'stahap alanpaihun npal 'stahap  
anpal alanpaihun uazlia liama rba d sup hadria bgu tibil ubaiia mana ulamaškia  
azlia qudam abuhun ubaiia mana ulamaškia mana sliq lbit rbia amarlun mana lhiia  
d iatbia bškinatun mahu hTitbkun d šadirtun ldaura d haTia nisqun bguTuptun mn  
qudam hiia rbia bškinatun mn abinia mania mn ginzaihun d rurbia rbia d hiziuia lmana  
paqid 'lh nisbuia bzuiua sagia ubškinta d rbia qaimuia nSablh tlata 'utria  
d nihuilh Sauta Sauta nihuilh unizahruia lškinta nSablha nhura rba d manharlia ldmuth  
'hablia mn Tabuth d napša uasgia batar nhur 'hablh pasimkia d manharilh  
lmana bškinth sgid umšabalun lhiia rbia bškinatun zka manda d hiia uzakia  
kulhun rahmia uhiia zakin sa . hazin draša d šlam kilh  
ladam sa

. bšumaihun d hiia rbia mraurab nhura šania kd 'STararit uhuit ana ptahil mn aina  
d ziua saq uhuit kd 'thašab aba uqran mn aina d ziua qran albšan lbuša d ziua ukasuia  
d nhura kasan 'hablh taga rba d almia bzuiua nahria amarlia ia br qum asgia 'zil

larqa d tibil umsuta bmia siauia msia musia larqa d tibil uiardnia urhaTia  
 paligba 'ubduia ušauia ladam d pagria d minh bhiria nihun minh hauin bhiria  
 usalqia hazilh latar nhur `zil larqa d tibil utlata qalia qria bqala qadmaia arqa  
 msia ubqala tiniana iardnia urahaTia paligba ubqala tlitaia nunia biama qria  
 uSipar gadpa brqiha ukulhun aTšia ubazrunia d kul had šanai mn habria masgina  
 uatina alma `l miSria d arqa d tibil uainia bmia siauia mlat alma lburkai qamit  
 lmia umia msuta lamsun alma laTmai qamit bmia umia msuta lamsun alma lpumai  
 qadmaia qamit bmia umia msuta lamsun alma lpumai batraia qamit bmia umia msuta  
 lamsun šum hiia umanda d hiia adkirit lmia umia msuta lamsun umn šuba lbušia  
d ziua unhura u`qara d ab `hablia rmit lmia umia msuta lamsun gauaza d `mra ušima  
 hibTit lmia umia msuta lamsun mahu `bidlun lmia akliha hdadia ušum hiia lamqabilia  
 ana lmahu hTitlh lab abatur d dabar lhaka šadran l`umqa d kulh sruta d `niš bgauh  
 ladar lmia akliha hdadia ušum hiia lamqabilia ana silqit mn mia siauia lqudam ab  
 abatur mizlai amarilh lab abatur lrazia d hazin alma d abatur mihizih d hizian  
 šaiulia d nišailai amar alma d qrit lmahu damia u`bidatak haizin d taqintbh mn  
 riš briš ana malalit lab abatur d `marlh d šadirtan lalma d kulh sruta d `Sba d nhura  
 litbh lmia akliha hdadia ušum hiia lamqabilia alma lburkai qamit lmia umia msuta  
 lamsun alma laTmai qamit lmia umia msuta lamsun alma lpumai qadmaia qamit  
 lmia umia msuta lamsun alma lpumai batraia qamit lmia umia msuta lamsun mn šuba  
 lbušia d ziua unhura u`qara rmit bmia umia msuta lamsun gauaza d `mra ušima  
 hibTit lmia umia msuta lamsun kd haizin amarilh lab abatur bbuta utušbihta  
 qam qam bbuta utušbihta usgid ušaba lhiia rbia mn riš briš usliq qudam hiia  
 abahath d nimarlun l`bidata d hazin alma qralh lhibil ziua u`l aganbia `ušana  
 šadruia umsuta minh nsib minh nsib msuta uata labatur `hablh kanh abatur  
 bTarTabnh dakia uata lptahil brh `hablh amarlh `zil musia larqa d tibil ungud  
 rqiha mn riš briš qamit mn qudam ab abatur u`l miSria d arqa d tibil mTit musuta  
d ab `hablia rmit lmia umia msuta msun msuta qadmaita trisar alpia parsia ganpia  
kd anania Sarlh ganpia Sarlh kd anania uTaisa uhadra balma mitqiria mšunia kušTa  
d bhiria zidqa bgauh mitrabin umitrauribh bhiria zidqa usalqia hazilh latar nhur  
 msuta tiniantia trisar alpia parsia arqa d tibil mitqiria bqalai qadmaia amsit  
 arqa unigdit rqiha mn riš briš bqalai tiniana iardnia urahaTia paligbh bqalai  
 tlitaia nunia biama qrit uSipar gadpa d gaunia gaunia uznia znia qrit nunia  
 biama likilta d adam ukulhun bnai nihun `kilta lnišmata d दौरा bdaura baTla  
 bqalai arbaia kul aTšia ubazrunia qrit kul had šanai mn habrh bqalh hamšiaia kul  
 rihšia bišia hun bqalai šitaia kul gbilta d hšuka minh huat bqalai šubaia ruha  
 ušuba bna hun uatun lqudanai qam ana d hzaitinun libai mn samkia anpal ana malalit  
 ulšuba u`marlun `mna huaitun šuba kd d lahua šumaikun bit ab mna huaitun šuba kd  
 lahua ana lmiqrinkun šuba mišma d šimun `tkanap bihdadia umitqabria ruha mišma  
d šimat atat qudamai qamat amralia atinia d mihuinalak arqa bigar umišmilak  
 mn riš briš bnai ušurbatai abdia lqudamak anin anat sadra lmalkutak uanin  
 nihuilak abdia mn abatrak malil ptahil d nimarlun `u tibdun `ubadia Tabia ana  
 lgiTinkun bligiTtai u`zdaharbkun `u latibdun `ubadia Tabia tistakrun lkana  
d minh huaitun `u tibdun `ubadia Tabia anatun bnai titiqrun bgauh d hazin alma  
 tisadrin `ubdia d ab paqdan `lauaihun kd haizin amar ptahil baita minh `tinsib baita  
 `tinsib minh ub`sura rba autbuia asruia b`sura alma d tibil baTla aminTul  
d šania mimra d abahahh ulmamlā d abahath lašar abad d lapaqdh abuia ub`sura rba  
 autbuia usihupta npalalia binia dilia labatur abuia qala d hdadia šamia uanpia  
 hdadia lahazin baita nisbuia minh ub`sura rba autbuia šadruia lhibil ziua  
d mitaqnia lhazin alma mitaqnin l`bidata d qra ptahil ulasrinin lriš lnaTra d adam  
 uhaua zauh lmihuilun Sauta minaTra ladam uhaua zauh d minh bhiria napqia minh  
 napria bhiria ubagra uzidqa mitnangiria mištalmia umnaTarlun buta utušbihta  
 umasqa tarSalun bit tušlima mištaiin hiia zakin uzakia gabra d asgia lka  
 sa hazin draša d ptahil kd asgia larqa d tibil umsia

larqa ungad rqiha hu sa

. bšumaihun d hiia rbia mraurab nhura šania tarmidia mšaililh lgabra d mn rbia  
ata amrilh `utria l`utra d rabuta hzun amarlun br rbia haizin `tib anat mn  
atit uasgit lhazin alma malil d nimarlun `utra l`utria d rabuta hzun mna rbia atit  
lhaka umn bhiria asgit lka hbun ušadrn rbia `tit u`iapriš dilun `zlit  
uaprištinun lbnia d Taba kulhun hinun sbar udar minaihun haizin `tinSib baita  
`taqan u`bdata d bh lšumia ularqa šrara hualun mn dilan lšamiš ulsira d hinun  
bdilan minihria lziqa unura umia mdabrania d hazin alma haizin `štpun mia  
hualh laupa lhazin alma haizin `tinSib ziqā usigia lšibiahia hua `zlit  
uaprištinun ušrara ltarmidia hua bar b`ruta u`traurab lalmia alma d hiziun dhil  
u`štarhazt alahuta d bh malalit utimarla namrus `ma d alma tiqarqlan lmaruata  
d hazin alma anat huilan riša uanin nihiua mn abatrak malil d nimarla lnamrus `ma  
d alma ana kd atit lhaka Sbu rbia ušadrn Sbu ušadrn rbia d `tit u`iapriš dilun  
lbhiria zidqa atit lhaka limalia d `iaiar šakbia lTabia atit lhaka limalia d `iaiar  
haTia ltuqna `tit lhaka limalia d `saq durdia lnihia atit lhaka lamabilia mardia  
`tit d `iaiar `ria d šihia ldaura taqna mišma d šimat nimrus marima bqala  
ubakia `mrat d lanitia `utra hinila `tiglia uata uqarqilinun lmaruata d hazin  
alma ata uapriš tarmidia udirka traSlun latar nhur hdun ušaba `utria l`utra  
d rabuta hzun apriš ulaupa traS latar nhur mištaiin hiia zakin uzakia gabra  
d asgia lka sa hazin draša d tarmidia mšaililh l`utra d mn rbia ata  
sa

. bšumaihun d hiia rbia mraurab nhura šania kd azil bhira dakia hiia mn binun qrun  
hiia qrun mn binun umn niahun šrun `l `uSrai paqid albušun ziua uaitun nhura  
d kabir kasiun zarzun bmzarzutun uamria haila ltiniana huia apriš d ninhar libh  
uqaimia d ninhar `uSria galilh lrazia nihia mn qudam razia mardia apriših  
lhaliuta d mariruta litbh aprišia lbnia šurba rba d hiia d qašiš mn bnia d daura  
baTla aprišia liardna rba d hiia d minh zakuta nsib galilh ltaga rba ul`utria  
d brišaihun traSlun aprišia lbnia šurba rba d hiia qadmaia qaimia usagdia  
umšabia sagidna uatina alma lbit iušamin mTit iušamin mihizia d hizian npaS mn  
kursia qam u`niana ldilia hibil ziua ramia uamar kušTa anat d kabiria d asgit `titlh  
lalma asgit lalma atatlh ubaba lalma ptaht baba ptaht lalma utraSt šbila  
lmhaimnia rbaihun anat d ganzibria d `lauaihun šr`ia Sautak ana aprišia  
liušamin d ninhar libh uqaimia d ninhar `uSria aprišth lrazia nihia mn qudam razia  
mardia aprišth lhaliuta d mariuta litbh aprišth lkulhun `bdata d hiia d šania hu  
mnakria mn kulhun apras iaminh lgaTth liušamin ušaiilta d almia d nhura mn bit  
amarilh šaliTtak bqala rba d hiia d minh zakuta nsabt šaliTtak bpihta ukušTa  
umambuga riša d kulh šurubta bqrita qadmaita manu gabra hua manu hua gabra umanu  
huabh hasir ubSir kd haizin šuma iušamin npal libh mn samkia uamar bqrita  
qadmaita lahuabh hasir ubSir bqrita tinianta lahuabh hasir ubSir bqrita tlitaita  
`tauzap ziua l`utria kulhun bqrita arbiaita ana iušamin huit huaitibh ana  
iušamin ubgauai hua hasir ubSir uamarna hašta mahu `niana rmilh liušamin  
d lanimar d hibil ziua d rbuta nsib `lai uamarnalh anat ziua sagia manhirana  
d kulhun pasimkia traSlia kursiak uiatbit umanhiratlh lkula šurubtak Taba ata  
uanharlan bziuak d npiš ubanhurak d saka litlh aitolak mn bit hiia rbia  
umasgina uatina alma lbit abatur mTit abatur qam mn kursi h u`niana ldilia hibil  
ziua ramia uamar hai lai atalh hinu atalia hibil ziua birkuk hiia rbia umana  
smiria qaimuk uamarna `niana rmilh labatur `utra ninha ulkursia nitib uamarnalh  
kušTa asiak Taba uasia lmalala d maliltbh masgina uatina alma lbit ptahil  
mTit ptahil mihizih d hizian anpaS mn kursi h qam npaS qam mn kursi h u`niana  
ldilia hibil ziua ramia uamarlh ia nibTa d kbar baiar manu qrak umanu paqdak  
uamarnalh ldilia qiriun hiia rbia haka kabira qaimun uamarnalh lptahil alma  
lakdiba butak bit hiia rbia ulamanhira dmutak batar nhur alma labirkak hiia rbia

ula'hablak ginza lamitinsib uamar mahu 'qum usgud u'saba lhiia rbia kd hinun Tabutai  
 lamqabilia kd haizin amar ptahil haulil lnapšia ubka haulil ubka lnpšia uiatib  
 uprudqa lšibiahia kdab kanpinun ptahil lsahria uknap gunda napla gunda napla  
 knap umsakin lmirmia tigra kd haizin hza hibil ziua `tib u`ngirta labatur  
 kdab masgia uatia abatur uarbima alpia `utria minh atun `tib abatur `utra u`ngirta  
 liušamin br malkia kdab masgia uatia iušamin br malkia kd gurmaiza d mia b`dh lgaT  
 gurmaiza d lgaT b`dia d hazilh sahria udahlh nisbh lsipa rba d bh sahria mitgaTlia  
 masgia uatia iušamin br malkia alma lhibil ziua mTa hab d `timhia bsipa  
 rba lptahil mn kursiia nišidih bqulpa `mihh lptahil plaglh briših plugta `mihh  
 bgurmaiza rba u`dahka lnuraiun d iaqda amarlh hibil ziua nha nha iušamin br  
 malkia d hiia rbia bTabuta `tnaTaiun d haizin šumaiun hiia qadmaiia 'dun d skulta  
d hibil ziua h' kidbuia l`ngirta bkušTa ušadruia lbaita napla pahtila uqarila  
 ptahil uhazia `tiabuta d hiia qadmaiia huat `lh rmabun qala bsahria ubadrinun  
 lgunda napla amrilh `zdahar hašta hibil ziua skulta kula dilak h' qam hibil ziua  
 uabatur uiušamin u`utria kulhun uhaizak qaimuia lptahil bškinta d napšia u`niana  
 rmulh bsum riha d mana kma d basim riha d mana iaqra basim Sautaihun d hiia  
 u`rutun d hiia rurbia m`hibil ziua `niana nirmilun kma dna ziua btarbaSia  
d anpaikun u`utria ahai kma Sautaihun šania atra d atbabh rbia ulitlh saka  
 ltušbihtaikun mištaiin hiia zakin uzakia gabra d asgia lka sa  
 . bšumaihun d hiia rbia mraurab nhura šania kd azil bhira dakia hiia mn mruma qrun  
 'utria 'tapraš b'uSraihun ubhukumat rbia mitaprišia iatbia bškinatun uginza  
 taqna naTria amria qum nasgia unizal luat manda d hiia unimarlh l`bidata d bh  
 nigalalh lšuta haita d bhiria zidqa bgauh mitaprišia nimarlh lmania nihia ulmaSbuta  
d hiia d `STarabia naumiia bmalka d nhura d `utria d lagilil šumh naumiia basa  
 qašiša d klila minh gadlia nimarlh nizal lkip baita d iušamin 'bidata hasirata d abad  
 nigalilh lplugta d šaria bligria rurbia kd haza amar rbia qala slaq lbit rurbia  
 mn iardna rba uhamša 'ma uhamšin alpia 'utria luath d manda d hiia masgia umn arqa  
d aiar hiuartia dakita arbima uarbin uarba alpia `utria luath d manda d hiia  
 masgin mn atutia kursia d malka d 'utria šitma ušitin alpia 'utria luath d manda  
d hiia masgin amrilh lmahu qrak malka d nhura umalka baiar šauiak d lamasgit lbit  
 iušamin ulamtaqnatlin l'bidath mn riš briš nihuia d iada iušamin d haila d hiia  
 npaš mn haila baTla napšia 'utria d nhura mn bnh d bura napla Sauta d hiia npaša  
 mn Sauta d bišia d audia hašta nsabth urmaith bligria rurbia nsabtinun lmania  
 ušadirtinun bpagria baTlia nsabtinun lrihanian ušdirtinun lbaita napla bdgur  
 dgur lasa bmublia šdaith uabadbh hasir ubSir šadarth liasmin rama uabadbh kul  
d biš šadarth lmarua štargana uabadtbh kul d biš šadarta lnargis umarmahuz d mn  
 taruan dakita ata šadarta lnargis asa umarmahuz hašta abadbh hargta šadarth  
 lsandilus dakia mn atutia kursia d malka d 'utria ata šadarth lsandilus uabadbh  
 hasir ubSir aslitinun lrihanian d gaunia gaunia uznia znia aslitinun  
 lrihanian bnišmata abrin kul d biš nsabth lginza d hiia urmaith bdaura baTla  
 nsabth lšuta d hiia urmaith bšuta d audia nsabth lmarganita dakita  
 u'hablun lgubria gbilia bisra uzma šalTuk lhukumat rbia ulqala d mn mruma hua  
 šalTuk l'bidata d nhura ulmimra d ginza taqna hašta kd šalTuk l'bidata kulhin lmahu  
 mitabdin hasir ubSir nsabth lqala d hiia urmaith bqala baTla nsabth lšuta  
d hiia urmaita bšuta d audia šadartinun lbauata urmaitinun bqala baTla nsabth  
 lmarganita dakita rmaita bgauaihun d audia hašta nsabth lqala d hiia  
d laništalTun 'lh audia audia 'lh laništalTun atuat bdaštana lanadruk 'lh kd  
 haza šuma manda d hiia npaŠ mn kursiia qam npaŠ qam mn kursiia uqala lhibil ziua  
 rma uamarlh npaŠ uqum mn kursiak uqala liušamin qria uamarlh nusbia lmarganita  
 dakita uasiq tuqna bdukth d lanun bhiria zidqa d haila mn baita haizin `tinsab  
 nihuilun mšalTanuta ušurbata d hiia latipsiq minh mn alma uamar limalia pagra  
d lnišimta kd mana d šaiia litlh limalia gupnia rauzia kd rihaiun labasim qala ata  
 mn malka rama d nhura ulmanda d hiia amarlh lmahu ba mida iušamin qala d hiia

mitinsab ulmahu ba mida iušamin hibil ziua d ginza d hiia haizin `tinsib kd  
haizin šuma manda d hiia npahn qam mn kursiih npaS mn kursiih qam ušitin  
uhra lbuša d ziua unhura u'qara lbaš u'tapriš bhukumat rbia ubginza d hiia  
abath d `hablh u'tapriš bhukumat rbia uasgia luat iušamin ata qam lkipia  
d baita d iušamin uziuh lplugta ksa ziua kisia lplugta d guha bbaith `tigna guha  
`tigna bbaith ušibiahia alanpaihun npal arqa mihbaS habSa urqiha kd buria  
mitikrik atutia kursia d abatur mia siauia hun umlun d ziua lziuh d manda  
d hiia `stahap alanpaihun npal šibiahia bqalaihun malil ulptahil amria lmahu  
ninaTria lbaita kd plugta minaiun `tinsib malil ptahil `utra lšibiahia d nimarlun  
man nisban minaikun lplugta d ana d ziuu lahzit lahzaith ldmuth šania umnakria mn  
alma kd hazin amar ptahil `stahap alanpia npal uamar kd ana b`sura iatibna  
iušamin naTar baita šaiuia autbuia u'bidata d ana šautibun hasir ubSir abatur  
hua muzania d misaq tuqna mn durdia kd haizin amar ptahil iušamin mn kursiih qam  
iušamin qam mn kursiih ušitin uhda `sura bptahil qra ptahil rgaz b`sura  
uqarilh labatur abuia uamar d mahu d ba iušamin minai bgauai d `sura qra kd manda  
d hiia šbaq hauqa bhazin alma mahu baiitun minai d akšiltun mn kursiai mn kursiai  
akšilitun ulibai rmaitunh mn samkia kd haizin amar ptahil qala sliq lbit rurbia  
rbia qam mn karsauatun lumanda d hiia amria lmahu kbart bziuak bgauh d hazin alma  
hauqa šbaqt lšuba abinia `utria šigša rmit hašta kd bziuak kbart liušamin  
iaminak rmia liaminh uaumh bklila d rurbia aumh bhad šuma rba d malka d nhura  
ldilak aumiak ubgauh iama hibil ziua uasgia latar hšuk baninin `bidata d šadirth  
lhazin alma uamarlh lanihuia d iadia šamiš d plugta d ziua haizin radia  
lanihuia d iadia sira d btuqna Tribh rušuma lanihuia d iadia ptahil nišimta haizin  
napla haizin napla nišimta bgu pagra haizin d mamlilibh lraza d zma amar iaušamin  
br guda uašmh lptahil uasmikia llibh lsamkia šrinun l`usurh d lanihuia ubruianh  
hasir ubSir kd haizin šuma iušamin sgid ušaba lhiia rurbia šabinun lhiia rbia  
uasgia azal l`sura d ptahil šra `surh šra lptahil u'niana lptahil rma uamarlh  
haimanubak Taba uziuak hzit d laninišiak kulhun iuman ušita uhda mn liban  
lanišibqak aminTul d lanibad nišmatun d nisakakan bhazin alma kd haizin šumh ptahil  
`stimik libh lsamkh malil bqala dakia uliušamin d nimarlh kd manda d hiia šbaq  
hauqa bhazin alma mahu bit minai dilia d `sura bgauai qarit kd haizin amar ptahil  
`da manda d hiia d hasiruta binia ptahil liušamin huat qralh lhibil ziua uzarzih  
uldaria šadria šadrh uamar `zil druš ušumia liušamin uasmikh llibh d ptahil lsamkh  
masgina uatina alma lbit iušamin mTit maTuiai lbit iušamin liušamin d nimarlh mahu  
la'taprišt lhukumat rbia u`sura bptahil lmahu šbaqt kd haizin šuma iušamin `da  
d galalh lraza d bh masgina uatina alma lbit ptahil mTit ptahil mihizia d hizian  
npaS mn kursiih qam npaS qam mn kursiih u'niana ldilia hibil ziua ramia uamar  
ata ata ziua sagia udnaba bbaita ubaita kulh nhar nhar baita bzauiath unaSuraiia  
d šimuia lqala d hiia mihdia hdun uamria kma basim hazin qala d hiia d ata  
u'tiqrilan mn atar nhur kd haza šimat minh brakth bbirka rabtia d brak mania  
iaqria amarnalh nha ušduk razak ptahil bgauh d hazin alma hašta šumuk nTir  
bškintak umapraš lginza taqna qarilun u'iaprišinun lkul Sbu u'iaprišinun lbhiria  
zidqa lgubria gbilia bisra uzma u'iaprišinun l kul Sbu `iaprišinun ltarmidia  
d šuta d hiia dakria kd kabria `lauaikun bišuta uaiTa mištbiq hzia d laiTitun  
umakšilitun uramitulh lmana mn kursia hzia d laiTitun lptahil `utra aminTul kd ba  
mnata mn hiia ula`hablh la`hablh mnata bbaita ulašalTuia lkul Sbu kulman d laiTlh  
lptahil `utra giuTa rba nihuia `lh d makšilh mn kursiih udina minh mitmar  
asirtinun unTartinun l`bdata ulašauit bgauahun hasir ubSir autibth llibh d ptahil  
lsamkh d lanihuia bruianh hasir ubSir masgina uatina alma lbit abatur mTit abatur  
mihizia d hizian npaS mn kursiih qam npaS qam mn kursiih u'niana ldilia hibil  
ziua ramia uamar hazin qala d lhiia mna d hazin hlia hazin basim u`utria d nhura  
mamliliba masgina uatina alma lbit iušamin mTit iušamin d hizia lziuai npaS mn  
kursia qam anpaS qam mn kursia u'tapriš bhukumat rbia ub`ruta d hiia

d`hablh unsabtinun Irihania uamištinun Imia mn iardna uasgia alanpia ata nsabtinun Irihania utraSlia klila mn riš briš u`niana ldilia hibil ziua ramia uamar ia nibTa d nbaT baiar mn qrak uman qaimak uamarnalh ldilia qiriun hiia ulhaka bhiria qaimun liaminh d manda d hiia liušamin kursia traSlia lpumh d praš ziua manda d hiia tirSia lhazin alma traSbia mia hiia d napšia usaka litlun lahasria ulabaSria ulahauia bgauaihun hasir ubSir uana `rmilh `niana mn riš briš uamarnalh ana buta mn hiia baiina baiina minaikun hiia rurbia ana buta mn hiia rbia baiina d titriSuna ltušbihtaikun `lai aprišulia lrbia d samkia lliba d iušamin lsamkia d lanimar iušamin d hibil ziua rbuta `nsib `lai kd haizin šuma hiia haila bnpiš šadarlia uamarlia `zil druš uašuma liušamin uasmik libh lsamkia d lanimar iušamin d hibil ziua rbuta `nsib `lai kd šamit mn hiia abahatai ana `štalTit mimar kd d huat malalit bqalai dakia u`niana liušamin rmit uamarnalh Turia d ziua birkak uaramata d nhura qaimuk braktak arqa d nhura uqaimak daura taqna kširun d`utria ahh umtaqnun d almia d nhura kulhun u`niana rmilh liušamin uasgit luat abahatai mizlai manda d hiia d hizia lziuai qala l`utria qra u`niana ramilh mn riš briš uamar mitia d hibil `utra kd šitil masgia lbit rahmia tarmidia d šimuia lqalh d anuš `utra sagia sagdia mšabilun lhiia rbia mn riš briš u`utria qam mn karsauatun uSibun bmaSbutun uqamun bqalaihun šania uasgia šitil `utra unaana ldilia hibil ziua rma uamar ninhar lbušak utitiaqar dmutak luat hahu abuk mara d rabuta ugdaalh klila dakia dmutak d mnaTarlia mn kul d snia autbun bškinatun kd d hua napšahun mn qdim anharan bqala d hiia uapriša lšumai batar nhur mištaiin hiia zakin uzakia gabra d asgia lka sa hazin trin `niana d kd azil bhira dakia d hiia mn binan qrun . uhiia hai mn mruma qrun sa

. bšumaihun d hiia rbia mraurab nhura šania kd azil bhira dakia latra d iatbia tušlimia triSia urauzia hiia unahra dmutun ulahaška malil bhira lhinun rbia d nimarlun `u hinialkun rbia `u hinialkun rurbia `u hinialkun rbia `zil haila lbit tiniana hun nSab ziua haila lbit tiniana hun masgia uatia `utra alma lbit tiniana mTa maTuiia lbit tiniana lh ltiniana d nimarlh kd anat iatbit ziua d almia d hšuka haizin qrit malil tiniana lh l`utra d nimarlh haizin kd `titlh lmihuia lištka lbaTla tiniana brak bbirakta d hinun rbia birkuia masgina uatina alma lbit ptahil mTit maTuiiai lbit ptahil kursia tirSit bškinth tirSit uiatbit uatit u`tahzilh bdmuta d lakašra uamar abgan uai `lai dilia ptahil mn hibil ziua d asgia `lai hašta iatibna b`sura bhalin dmauata mitahzilh `u haizin akšalta makšilatlh hašta mšauina lpasusta kd d huat `thašab ptahil bruianh uamar d`qum `paish u`iasqh lhazin alma mn riš briš `thašab uqralhun lšibiahia lhad had zaina biša mla lšamiš lbišia rugza ulsin zida biša mla nirig `hablh zaina uaTiplh `l d`tlh `nbu kukba biša traSla brišia klila marula qiriuia lbil br mia utaga d hirba asarlh taga d hirba d hu lahh ramilun marula qiriuia llibat azizta d h` hušba biša mlu qiriuia lkiuan hasira ulahh hirba unura šalTuia kd haizin ptahil abad hiia rbia qadmaia `da bškinatun d skulta d hibil ziua h` kdabiun prudqa d ziua unhura u`qara ulptahil ramilh bškinth pahitlun uqarilun uhazia `tiabuta huat `lh `lh huat `tiabuta usaliq hazilh latar nhur mn arqa d taruan rabtia tlatma ušitin ušita alpia `utria aluat ptahil `tun mn arqa d aiar hiuartia arbima uarbin uarba alpia `utria aluat ptahil atun mn škinta d abatur trisar alpia `utria atun aluat ptahil hdar aqmuia bškinth mn riš briš hdar aqmuia uašmuia qala šania uamrilh basim riha d šria d mana kma d rihak basim mana iaqra kuma basim rihak šania u`ruta d šria `lak haizin qralhun ptahil lšibiahia uhad had zida biša minh šqal qaimia šibiahia ubihdadia haišia ubahšia umitrandidia uamria mahu hzia abuhan d lašbaqinan lbaTlia lhazin alma malil ptahil `utra lšibiahia d nimarlun man bna bata upasa uman rabia bnia ugaTlinun man štal šitlia Tabia uqam ušdinun bmia tahmia man gaTil bnh bukra upash lbaita d bna haizin amria šibiahia amrinin d nitia hibil ziua d nišrilun bbaita mitia d atalh hibil ziua lšibiahia hualun



ridpa ridpa hualun lšibiahia ušgaš rmilun bbaita tigma mištaiin hiia zakin uzakia  
gabra d asgia lka sa

. bšumaihun d hiia rbia mraurab nhura šania minSab nSiba uatina bgauh d hazin alma  
hiia Ssubia uniSbun bgauh d hazin alma uamria qum qum Taba nhut lgauh d dara  
d asgia lhak bnia šlama d minaihun husrana hua minaihun hua husrana uhua  
minaihun hasir ubSir hasir ubSir hua minaihun uhuabun guha balma guha balma  
huabun amarlun manda d hiia lbhiria zidqa d napšaihun bhar 'hablia akla d ziua  
d `pisia lbaita ubania `milh lhusrana `iasqia bzaku latar nhur kd hazin amar  
manda d hiia qala nhit bkulhun almia mlakia d bnia lbaita bakin udaiaria  
d biniuia mištrhizia šaqia daiaria ualin ubakin kd `nšia qaima ruha d qudša azla  
uatia kd haita bnaiun d malakia šaqpia b`dh umaspiria labuhun bakia lriš daria  
akuatun amrilh bnh lbiša lhambala d hiia lahzia `lh šahrit udauit minh lhaka  
šadruia anin d qritinan mna msadratlan mn qudamh amar nukraia d hiia šihlua  
mn rugzaihun hašta mipsiq baita mištariin unaplin bnia mitpalag bit ginza  
umagziratlan bhazin alma amarlun lbišia lbnia lganzihrh d baita baTla `tikpar  
u`tiglun mn qudamai mitia d hiia lahzun `u sahria anatun dar bhurbia `u daiuia  
anatun `tksun ulatitahzun `u mlakia anatun d gabaruta sab zaina alanpia npaq  
latišibqunh lnukraia d asgia lhazin alma amrilh bnia lbiša lhambala d hiia lahzun  
anat albušak mn ziuaihun bhaila d gabra lamSiit anin litlan haila haizin nirmia minh  
tigra `l d iatbia umitaprišia qalaihun d aklia ziua šuma mha lraqihaiun upraT  
bgauh pruTta pruTta praT bgauh umak brqihaihun `uhra pšar gubia d rqiha kd  
miTra mn rqiha npal b`umba nasbalun ruha lbna uazla uatia batat ar haka  
`iastirinkun u`iariqinkun mn gaTlai barqa `iastirinkun ziua d manda d hiia  
hatam šria hatam pqa piqa barqa d bišia ukul d `ka bgauh pilTat b`umba nasbalun  
ruha lbna uazla uatia batat ar bnai haka `iastirinkun u`iariqinkun mn gaTlai  
biama `iastirinkun nhura d manda d hiia hatam šria `la hašta mgaTilkun manda  
d hiia umTabilkun biama rba d sup ub`umba nasbalun ruha uazla uatia batat ar  
bnai haka `iastirinkun u`iauqirinkun mn gaTlai bTura `iastirinkun haila d manda  
d hiia hatam šria nsabtinun ruha lbna bgunbia d rqiha msaralun d iatbia  
umitaprišia bišia praT gabra nukraia mTa pra mTa gabra nukraia paruanqa d hiia  
šadruia pqa piqa barqa d bišia ukul d hua bgaua pilTat šrat `tpak gubia d rqiha  
ubna d ruha kd birqa nistar b`da d gaTlun iamia ruha umkadba d lanisbat  
babdia bnia manda d hiia iada d iamia ruha umkadba amarlun manda hiia lbišia ukadabia  
d dairia balma mna huaitun d dairitun bhazin alma bšulTanh d man `tinSibtun  
d maSTitun daria ualmia amrilh bišia lmanda d hiia lšganda d kulhun pasimkia lhaiak  
manda d hiia la`danin mn haka huia atran atra d hšuka d nhura litbh atran atra  
d mirda d kauna uniaha litbh atran atra d šigša d tuqna litbh atran atra d bišia  
d Tabia litbh amarlun manda d hiia lbišia ukadabia d dairia balma bišia ukadabia  
lkulhun `šbiqinun lbušai dila la`šibqia `l lbušai dila d atiuia urimiua  
binataikun ašla `šibqia lbušaihun `stahap alanpaihun npal damin lšlutania  
d mn hšuka lnhura lanapqia damin `l `bilu d manzaihun lburkaihun rmia  
manzaihun rmia lburkaihun d mn dirba lmata lasalqia damin lzandiqia d kadba d `l  
`uSTnia d karba iatbia iatbia l`uSTunia d kadba upasqilh lzairaihun mn alma  
damin lSaiamia d Sauma lpumaihun rmilun amarlun manda d hiia lbišia ukadabia  
d daria balma `zil dmun labukun qadmaia d gTil bhšuka rmia gTil rmia bgu hšuka  
uatia habara ukabar `lh `l dmun lmlik hšuka d zainh alanph d manda d hiia šqal zaina  
šqal alanpia d manda d hiia kbar manda d hiia bhšuka rma `zil dmun lriš dara d rišia  
d dara smik `lh kd sadan arqa `l aganbia kbaš `zil dmun lmaria gabara d mn arqa  
hauia ualma lšumia `stadar `lh bnia šlama d šuda lanasbh giTluia bhirba  
uparzla d `uSTunun lkulhun dahalia lkulhun dahalia `uSTunhun uSauma ramilun  
lpumaihun Sauma lpumaihun ramalun d laništqil šuma d gabra gTila mn binataihun  
rmalun Sauma d šuba biahra d briš qrabia kd gTil rmalun Sauma d arbasar kd `timlik  
manda d hiia uatia `lh rmalun Sauma d tmania u`srin kd `gTil unpal gabarun rmalun

Sauma d šidqa kd ruha mn pagra nipqat rmalun Sauma d hamisar kd lhama d hizda akliha  
manda d hiia qaria bkaluza umišma bqalia šania 'it d šuma uhaimin bginza umalala  
qam bginza qam umalala usliq uhizia latar nhur bišia d 'tkalil uškiḇ akandit  
iatbia bSauma ulahazilh latar nhur Saiamia Saiamata liaqдания d nura šaplia uhiia  
zakin sa

. bšumaihun d hiia rbia mraurab nhura šania kaluza d hiia qaria kaluza d hiia  
rurbia kaluza d hiia qaria kul 'niš bnapšia nizdahir Tubh lman d napšia nida  
ulibh nihuilh ardikla Tubaihun lkušTania d salqia hazilh latar nhur uailh  
lmamlik milkia d mulkana lnapšia lamlik uailh lmadrik dirkia d dirka lnapšia  
ladrik ladrik dirka lnapšia kd azil bgauh lamihqil uailh lbanaia d labna lqudamh  
binta uailik aqut ainia lasibuia bišia lhazin alma uaila lkarsa rabtia d kul  
d aklat karsa lamlat uailinun ltrin lišania d iahbia trin dinia bhad uailinun  
lialupia d malpilun ulaialpia uailinun lsaklia tmimia d bsaklutun mistakria  
uailh lhakima d lasbar minh umn hukumth uailinun lšaliTia d mšalTia šbiqia labdia  
'ubadia šapiria unaplia bnura d iaqda b'daihun badin gumria ub'spihatun  
msarsipia iaqdana uailh lliba biša d bišuta bgauh mamlika mamlikibh bišuta  
usaiip bsauph d alma bsauph d alma saiip ulahazilh latar nhur Tubh lman d abad Tab  
uailh lman d abad biš Tubh lman d bad Tab uailh lman d abad biš uailh lman  
d hualh ulaTaiib minh umn Tabuth haTaiia lnapšia abad Tubh lman d hualh uTaiib  
minh umn Tabuth agra lnapšia abad 'ubadia laqamh azlin 'ubadia azlin laqamia  
umistmikilh laqamh 'uhra 'daikun nibdia kušTa ulibaikun niqum bhaimanut haizin  
nihuia zuadaikun unihuia zuadia 'uhraikun haizin nihuia zuadaikun usaq uhizuiua  
latar nhur uhiia zakin uzakia manda d hiia urahmia šumh sa

. bšumaihun d hiia rbia mraurab nhura šania mn atra d nhura nipqit minak daura  
taqna mn atra d nhura nipqit 'utra mn bit hiia luan 'utra d luan mn bit hiia rbia  
gauza d mia hiia b'dh lgiT gauza d lgiT b'dh d kulh alua mn riš briš aTirpa  
'hablh minh sidria ubauata mlan tna 'hablh minh libai d kaiub 'tapan 'tapan  
libai d kaiub upišqat nišmat d mnakria tlat 'hablh minh truSlia ainai brišai ainai  
brišai truSlia d hzaith ubašqirh lab ubašqirh ušailth šulta tlat šalth  
nihuta nihuta d mriduta litbh šalth laba rba d misbilibh rurbia udirdiqia šalth  
dirkia mkikia misaq mihizia latar nhur mištaiin hiia zakin uzakia gabra  
d asgia lka sa

. bšumaihun d hiia rbia mraurab nhura šania man d nitia uman d nimarlia uman naudan  
uman naprišan uman d nitia uman d nimarlia barqa d nhura manu hua manu hua barqa  
d nhura uman mn man qašiš umanhu qudamh man mida iadia hiia hiia iadia umšaililh  
mida iadia hiia barqa d nhura hiia hun hiia hun barqa d nhura umn hiia mia hun  
mn hiia hun mia umn mia ziua hua umn ziua hua nhura umn nhura 'utria hun mn nhura  
hun 'utria d qaimia lhiia umšabia Taba bhailh d npaš bziua d hiia d 'hablia  
dariš umapriš šalmania bgauh d 'uSria uamar gabra d atian lhaka nimarlia lmaḥu  
atian baita d dairinabh nimarlh manu binia šuba d dairibh nimarlia d mna hun lak  
amarna umitaprišna kul man d kšiT umhaiman b'uSria anat lahuit mn haka ušaršak  
lahua mn alma baita d dart bgauh hiia lbaita labiniuia šuba d bairibh larqa d nhura  
lasalqia anat sgud ušaba latra d minh atit šaba lbhir zidqa d lpumak traSlak  
mamla anat druš qarqiil šuba ugunian rmia lalmia mištaiin hiia zakin uzakia  
gabra d sgia lka sa

. hazin sidra hazin zharia d ansit ana ania uḍania umradpa zuTa aḥai  
tarmidia umnašiq msana ligraihun d nasakia uaqapra d atutia ligraihun  
d ganzibria abda d kulh haTaiia ana mḥatam zihrun br rbai adam br rbai mḥatam  
iuhana br rbai iahia sam br rbai sam bihram br rbai iahia bihram br rbai  
iahia bihram br rbai adam br rbai iahia adam br rbai šitil br rbai ram br  
rbai zakia br rbai iahia br rbai zakia br abuhun d ganzibria rbai mḥatam br  
rbai sam laqab manduia ukinianh 'kuma d ansit lḥad šalmanta umḥamna d saḥid  
liba bhia qadmaia umanda d hiia uahbat zidqa napša ukidbat hazin sidra

d huila dukrana btibil uhatma balma rurubia `laiia d nhura d h' šuma d maSbuta  
 šarat pt haua simat ušuma d m qarila biniia brata d dihla br maTlum br kTaiir  
 br (ayin)idan br baiuT laqab pirišia ukinianh `kuma d nsit mn kdaba d `da d rbai  
 mhatam iuhana br rbai iahia sam br rbai sam bihram br rbai iahia bihrim br  
 rbai iahia bihram br rbai adam br rbai iahia adam br rbai šitil br rbai ram  
 br rbai zakia br rbai iahia br rbai zakia br abuhun d ganzibria rbai mhatam  
 br rbai sam laqab manduia ukinianh `kuma d ansit lhad šalmantia umhaimna  
d shad liba bhiia qadmaia d h' šuma d m qarila himian brata d (ayin)aTuan br sabi(ayin)  
 br šam(ayin)an br ganim br paraš br rbi(ayin) br dahas kinianh ku(h)ailh d kidbit mn  
 kdaba d `dia d rbai iahia zihrun br rbai iahia ram zihrun br mhatam br mhatam  
 iuhana br bihram br mašid br našmia br karam br kairia br haiat kinianh d hu  
 ansa lhad šalmana umhaimna hu šumia d maSbuta mhatam zihrun br mahnaš ušumia  
d qraita (ayin)aTuan br sabi(ayin) br šam(ayin)an br ganim br paraš br rabi(ayin) br dahas  
 kinianh ki(h)ailh d ansala mn kdaba d ab dilia kdab gar had šalmantia umhaimna  
d ahuat zidqa d h' (š)hun brath d `ustad dizpulh br paizia br qasum br našmidin  
 br ra(š)ab br našmidin br (ayin)abdil hasin kinianh sabur kdab ab dilh mn kdabh  
d `da d rbai bihram br rbai bihram iahia br ganzibra taqna rbai iahia bihram  
 br rbai adam br rbai iahia adam br rbai šitil br rbai ram br rbai zakia br  
 rbai iahia br abuhun d ganzibria rbai mhatam laqab manduia kinianh `kuma  
d hua ansa `l `stad dilia br (ayin)abid br manSur br (ayin)abdlah br sabig quTana  
d ansalh mn sidra d ansa lnapšia rbai ram iuhana br rbai iahia zihrun br rbai  
 adam br rbai adam br rbai šitil br rbai ram br rbai zakh br abuhun  
d ganzibria rbai mhatam br rbai sam laqab manduia kinianh `kuma d ansa mn  
 sidra d ansa lnapšia rba urama uiaqira ganzibra taqna kiala rama bnaSiruta  
 rbai sam iuhana br rbai iahia adam br bihram zihrun br adam iuhana br zid  
 br sam br bihram br rbai adam br rbai mhatam br rbai baktiar kinianh  
 (ayin)isikir d ansa lnapšia mn sadra d ham hu ansa lnapšia ansa huila mn sidra  
d haua simat bratia d adam br (g)arib kinianh tum d ansalia mn tlata sidria had  
 adam iuhana br šitil kinianh ua(š)ia utiniana d sidra d rba urama uiaqira rbai  
 bihram br hiia kiniana ku(h)ailia d ansa mn d sam iuhana br rbai sam laqab  
 manduia kinianh `kuma d ansalh ahh iahia baian br `stad laiit kinianh daqnan  
d ansalh iahia sam br hibil zihrun (ayin)azizia d ansalh labuia d niSubtia dihdar  
 hulh d hu mhatam bulbul br sam bihram kinianh (ayin)asikir d ansalh mn sidra d rbai  
 adam iuhana br iahia anuš šu(ayin)ailh d ansalh rbai saruan bulbul br adam baian  
 kinianh zarzuia mn sidra d mhatam zihrun br bihram mušarah d ansalh rbai adam  
 šupurtaiia d ansalh mn sidra d ansa lšualia iahia br iuhana mn sidra d adam br  
 ram gadana d ansa iahia br adam ku(h)ailh mn sidra d rišaia bihdad zihrun br  
 sam sakara d ansalh iahia br adam kuhailh mn sidra zihrun br iahia iuhana  
d ansalh anuš mu(ayin)ailh br anuš d ansalh baktiar mn sidra d hibil iuhana br  
 bihram šitil d ansalh mn kdabh d `da d anuš mu(ayin)ailh br anuš bihdad d ansalh  
 lbaktiar bul(ayin)az br šitluia gadana d ansalh mn sidra d hibil br šitlia Salupa  
d ansalh bihram hibil br mhatam hibil iuhana d ansalh mn sidra d hibil br  
 zakia ansalh iahia zakh br brik iauar ansa `lh mn sidra usidria d adam br  
 iahia pakai uadam ansalh šaiar br zihrun mn sidra d br hiia br gadana šaiar  
 usam bnia baian hibil mn sidra d zakria ansala šaiar br midiuar d ansalh ram  
 ziuu mn sidra d hiia šum br hiia uminaihun mn sidra d anuš uadam bnia hibil  
 minahun mn sidra d zakia uzakh kdaba d `da d haua pt nukraia tum sidra d baian  
 hibil br brik iauar u`qaiam br zindana hiia hinun d labaTla ziuu unhura  
d lamitaslh ulamistaiak uhiia zakin sa